

義

禮

糾

解

# 儀禮紉解卷十六

安溪王士讓述

## 少牢饋食第十六

此篇言諸侯之大夫祭其祖之禮。於五禮屬吉禮。羊豕具曰少牢。饋食解詳特牲篇。朱子曰。禮記大夫祭三廟。程子以爲高祖有服不可不祭。雖七廟五廟三廟一廟以至祭寢皆及高祖。此最爲得祭祀之本意。禮家又言大夫有事省於其君。干祫及其高祖。此則可爲大夫立三廟而祭及高祖之驗。泊郵吳氏曰。大夫三廟。而此經所祭惟一廟。則亦植祭也。若祫祭則當迎祖禰至大祖之廟而祫之矣。王制大夫三廟一昭一穆與太祖之廟

而三。是大夫有太祖廟也。時祭有四。曰祠曰禴曰嘗曰烝。此天子諸侯之祭也。春秋傳昭元年趙孟將烝于溫。則四者之名通于大夫矣。四時之祭有恒有祫。此特見其恒者耳。

少牢饋食之禮

蔡氏宸錫曰。特牲少牢皆曰饋。食者祭以粢盛爲重也。推而上

之。天子諸侯躬耕以共粢盛。例而觀之。孝子養親曰饋養。昏禮婦饋以明順。祭黍稷必主婦親之。皆曰用丁巳。內事用柔日。必丁巳者。取丁寧此義。曰用丁巳。與改紀之義皆爲敬謹也。必先

諏此天干。明日乃筮。卿大夫禮尊於士禮也。士讓按注取丁寧改變之說善矣。又漢志言大

盛于丁。理紀于巳。是丁巳者蓋亦有備物。順禮之義。古者入學用丁。不特祭爲然。

筮旬

有一日。

旬十日也。以先月下旬之丁與巳。蔡氏宸錫曰。筮必

旬。有一日者。容散齋。七日。致齋三日也。

筮於廟門之外。主人朝服。

西面於門東。史朝服。左執筮。右抽上韞。兼與筮。

執之。東面受命於主人。

朝服。卿大夫服之以祭者。此為筮服之。史主筮。

事公有司也。

主人曰。孝孫某。來日丁亥。用薦歲事于

皇祖伯某。以某妃配某氏。尚饗。

日取丁亥者。特見其一耳。亥為

六丁之末。故設言之。末者且用。則上者可知矣。巳日亦宜如之。大夫三廟。常祭自祖以及禰。惟言皇祖。舉以見例也。伯某者。亦舉以槩仲叔季某。其字也。某氏。若姜氏。姬氏是也。禮。宗子雖七十。無無主婦。則卿大夫以下。娶有再三者矣。而配止一人。故加以某妃配于某氏之上。以別其

為元妃。繼妃也。史曰諾。西面于門西。抽下鞶。左執筮。右

兼執鞶以擊筮。擊之以動其神也。教氏繼公曰。擊筮者。為將述命故也。不述

命則無此儀。遂述命曰。假爾太筮有常。孝孫某來日

丁亥。用薦歲事于皇祖伯某。以某妃配。某氏。尙

饗。述。循也。重以主人辭告筮也。士喪禮。卜葬曰。不述命。此大夫威儀多也。假。借也。借筮之靈

以問於神。士讓按有常云者。乃釋鞶立筮。卿

謂其斷吉凶有定。不差忒也。乃釋鞶立筮。大

夫之著。長五尺。立筮由便。卦者在左。坐卦以

泊邨吳氏曰。立筮故不設席。卦者在左。坐卦以

卦。乃書卦于木。示主人。乃退占。卦者。史之屬也。卦以

木者每一爻畫地以識之。六爻備書于版。史受以示主人。退占東面旅占之。吉則史

讀筮。史兼執筮與卦以告于主人。占曰從。士讓按遂

讀之者示不煩於再筮。不敢褻也。與士冠特牲相備。乃官戒。宗人命滌宰

命為酒乃退。官戒謂某官戒某人以某事也。宰宗人乃官之尊者。故見其所命者

以明之。滌。漑。濯。若不吉則及遠日。又筮曰如初。

祭器掃除宗廟。遠日。後丁若後巳。若上旬丁巳日不吉則至上

旬又筮。中旬之丁巳日。又不吉則至中旬又筮

下旬之丁巳日。泊邨吳氏曰特牲筮不吉則筮遠日。即時併筮之。此越十日而又筮。大夫禮

隆為時裕也。但君祭以孟月。君祭而後大夫祭。則大夫祭以仲月多矣。且俱以遠日則大夫祭

有時逮仲月之末者矣。

### 右筮日

宿。宿謂宿賓以下也。是亦官宿之。大夫於助祭

言之賓為踰等故不親宿。此宿當在宿尸之下

言于此者為前宿一日宿戒尸。前宿賓之日也

下文節也。泊邨吳氏曰宿戒尸者重為

象神且為將筮也。宿日戒尸也。明日將筮慮其人或

有疾病事故不得為尸故早戒之。明日朝筮尸如筮日之禮

其無他者乃以筮也。命曰孝孫某來日丁亥用薦歲事于皇祖伯某

以某妃配某氏。以某之某為尸。尚饗。筮卦占如

以某妃配某氏。以某之某為尸。尚饗。筮卦占如

初。

明日朝者宿戒尸之明日祭前之一日也。某之某者字尸父而名尸尊鬼神也。如初如筮

也。

吉則乃遂宿尸祝擯。

又遂肅之者重尸也。祝擯者尸象神祝接神之

官也。既肅尸乃官肅賓及執事者。

三禮館議

士前祭三日筮尸少牢乃前一日筮尸不嫌太

促者以筮尸之後惟宿尸而已。不親宿賓以賓

卑也。不視牲以并視牲視殺爲一事也。不視濯

以並視濯視爨爲一事也。其禮下於君而事得

其序不嫌其促也。士讓按主人假如以丁亥

祭則丁丑筮日遂官戒矣。乙酉則宿戒尸丙戌

則筮尸遂宿尸又官宿賓及執事焉是其序也

主人再拜稽首祝告曰孝孫某來日丁亥用薦

歲事于皇祖伯某以某妃配某氏敢宿。

告尸以主人爲



此事來宿。不待其許諾。而

尸拜許諾。主人又再

拜稽首。主人退。尸送。揖不拜。

尸不拜。尸尊。

若不吉。則

遂改筮尸。

卽改筮之。不及他日。

泊邨吳氏曰。敖氏謂改筮若又不吉。則直以其次

者爲尸。不復筮。此猶張子筮日之意也。蓋筮日既官戒具備。不可中止。故當然。竊意爲尸者。預擬三人以筮。再不吉。則用其又次者。亦禮成於三之意。

### 右筮尸宿尸宿諸官

既宿尸。反爲期于廟門之外。

大夫尊。宿尸而已。其爲賓及執事者。

使人宿之。爲期。亦夕時也。肅諸官而皆至。定祭早晏之期。士讓按廟祭同日。大夫三廟。則宜

次第筮尸。是日朝筮尸其畫卦旅占。若而時或不吉改筮。若而時再主人親宿尸擯辭揖拜。又若而時宿畢而反亦將近夕矣。特牲有夕。爲期之文故注疏據之。是亦按候當然也。主人門東南面。宗人朝服北面曰請祭期。主人曰比於子。爲期時尸尊不來。大夫尊於諸官有君道故得南面。比於子者比次早晏司在宗人也。宗人曰旦明行事。主人曰諾。乃退。旦明旦日質明。徐氏鈴民曰祭期有定而必請者重祭且尊命也。周官雞人。大祭祀夜嘒且以叫百官。巾車鳴鈴以應雞人。小宗伯祭之日告時于王。則卿大夫祭之候亦有定。宜也。

## 右爲期

明日主人朝服卽位于廟門之外東方南面。宰

宗人西面北上。牲北首東上。司馬刲羊。司士擊

豕。宗人告備。乃退。諸侯禮殺于門內。此大夫禮與特牲士禮皆殺于門外。辟

君也。豕云擊動之使鳴是視牲也。羊云刲謂殺之。是視殺也。互省文耳。實皆既省告備乃殺之。

雍人概鼎七俎于雍爨。雍爨在門東南。北上。雍人

掌割烹之事者。概猶拭也。前命滌已濯之矣。今復拭之爲去塵也。爨竈也。鼎七俎皆牲器。故雍

人概之。羊爨在豕爨之北。北上。廩人概飩。飩七與敦于廩爨。廩

爨在雍爨之北。廩人掌米入之藏者。飩實二鬴厚半寸。屑寸。七穿。飩實二鬴。厚

半寸、脣寸。敖氏云、甌若甌、蓋有底而無孔、所以盛米也。甌則炊之。匕則出之。此四器與鼎匕俎皆陳于門外。故雍人廩人分概之。廩爨亦黍在稷上。士讀按、特牲主婦視館爨于西堂下。記云在西壁、是廟門內也。此云在雍爨之比、則廟門外也。又掌白廩人無主婦出視之女、蓋大夫官多、足共其事也。至下設時、主婦乃自東房執金敦而婦贊者復授之以設。則以黍既盛而設之、必司宮概豆、遵勺爵觥、解几洗篚于東堂親也。

下勺爵觥、實于篚。卒概饌豆、遵與篚于房中。

放于西方。設洗于阼階東南。當東榮。司官兼主

饌祭器、故俱概之。勺爵觥解、概之則隨實于篚。不待其卒概也。放猶依也。以次而西也。豆最東。

簋次之。篚又次之。堂下之篚又次之。三禮館  
議。周官大小宗伯。大祭省牲。鑊視滌濯。肆師視  
滌濯。相其禮。宰夫從大宰而視滌濯。天官世婦  
帥女宮而濯。摯爲盥盛。蓋祭尙蠲潔。天子內外  
官備。諸侯具官。大夫攝官。要無不外  
內致其潔者。經不言告潔。已見特牲。

右視殺概器

羹定。雍人陳鼎五。三鼎在羊鑊之西。二鼎在豕

鑊之西。

魚腊從羊。膚從豕。統於牲也。魚腊各鑊。膚在豕鑊。今鑊四而鼎五。物辨其器也。

司馬升羊右胖。髀不升。肩臂臠膊。脰正脊一。脰

脊一。橫脊一。短脅一。正脅一。代脅一。皆二骨以

盆。腸三。胃三。舉肺一。祭肺三。實于一鼎。

升登也。右肺吉。

禮所尚。髀不升者。殷人貴髀。勝國之禮。故弗尚。  
注疏以爲近竅賤。故不升。恐未然也。肩臂臑。肱  
骨三也。膊。髀。股骨二也。脊有三。以前爲正。其次  
名。臑。言臑然直也。却後名橫。言橫然廣也。脊骨  
三。以中長者爲正。前者爲代。後者爲短。凡牲體  
四支爲貴。故先叙之。脊先前而脅先後者。屈而  
反之。猶器之綯也。凡六體。各取二骨併之者。以  
多爲貴也。此以上共十一體。皆外體也。舉肺一  
尸所食先舉之者。祭肺三。爲尸主人主婦者。肺  
及腸三。胃三。皆內體。故肺雖貴。叙于末焉。少牢  
之俎。五而已。腸胃不得別俎。故但附于其牲耳。  
陳氏祚道曰。禮運云。腥其俎。孰其醢。腥其俎。  
謂豚解而腥之。爲七體。蓋殊左右肩髀而爲四。  
又兩胎一脊而爲七也。孰其醢。謂體解而孰之。

為二十一體。大夫士有體解。無豚解。以其無朝踐獻腥之禮故也。朱子曰。豚解之義。陳說得之。二十一體。則解脊為三。曰正脊。曰脰脊。曰橫脊。凡三。兩肋各二。曰代脅。曰長脅。曰短脅。凡六。兩肱各三。曰肩。曰臂。曰肅。凡六。兩股各三。曰髀。曰肫。曰脛。凡六。通為二十一體。凡牲與腊皆如此。而鄭氏以為牲體之數。備見于此矣。司士升豕右胖。髀不升。肩

臂。臠。膊。骼。正脊一。脰脊一。橫脊一。短脅一。正脅

一。代脅一。皆二骨以並舉。肺一。祭肺三。實于一

鼎。

豕無腸胃者。君子不食潤腴。此與上節升羊。皆出自鑊而入手鼎。其文之序。則始于肩。終於肺。與下經之出於鼎而載於俎者同。以出入先後之節攷之。似正相反。則此所云者。但據其

已在鼎者上下之次言。雍人倫膚九實于一鼎。

非謂入鼎之序亦然也。倫擇其美也。膚豕脅革肉。先魚腊實之者。司士

為與豕同饌也。司士不倫膚以其卑也。又升魚腊魚十有五而鼎腊一純而鼎腊用麋。

又升魚腊魚十有五而鼎腊一純而鼎腊用麋。

下經文司士三人則此升魚腊各一人也。合升

左右胖曰純全也。他篇言腊皆不言其物此云

用麋經特於此見之耳。泊邨吳氏曰下經祝

俎腊兩髀屬于尻則此之髀不升不必言矣。

卒齊皆設局鼎乃舉陳鼎于廟門之外東方北

面北上。齊猶升也北面。司宮尊兩甒于房戶之

閒同枋皆有冪甒有玄酒。房戶之閒見士冠醮

儀禮訓解 卷十六 少年饋食



卽加罍者。無司宮設壘水于洗東。有料設篚于

洗西南肆。料。刺水器也。凡設水用壘沃盥用料。蔡氏宸錫曰。經例水篚與洗並時。

而設。此設洗于概器時。後方設水篚者。文相變也。篚其初在東房。至是乃設于阼階東南。改

饌豆籩于房中南面。如饋之設。實豆籩之實。改。

爲將實其品。故更設于內。大夫威儀多也。如饋之設。如設于奧時。陳之左右。士讓按饋設東

面。此陳如其左右耳。不如其東面也。若如其東面。則象於當祭之時矣。懼褻陳也。小祝

設槃匱與篚巾于西階東。爲尸將盥。

### 右實鼎饌器

望溪方氏曰祭之前夕陳鼎于門外主人于  
姓兄弟宗祝衆賓之位詳于特牲蓋其義通  
乎上下故于士舉之而知上者之畧同也鼎  
實之名數器具之張設牲體之差等割制升  
載之儀法則詳于少牢蓋其事備于尊者故  
于大夫舉之而知下焉者之差減也士讓  
按大夫祭之品物增於士儀文亦多於士而  
臨祭日方備具得不失禮者蓋大夫升尊而  
官多分尊則諸事皆治無或參錯官多則執  
事足任無或乏人此士之祭所以尙其豫而  
大夫之祭無不致其敏也

主人朝服卽位于阼階東西面更言朝服者嫌祭時或異于前  
司宮筵于奧祝設几于筵上右之布陳神位也室中西南隅

謂與。席東面，几近南，為右，特牲祝。

選几，大夫官多，故使兩官共之。

主人出迎鼎

除鼎，士盥，舉鼎，主人先入。

道之也。主人不親舉，不盥，大夫尊也。惟除

鼎，示有事。

望溪方氏曰：大夫不親舉鼎，非以

尊而怠于事也。官宿其事，則主人專致其內心

以與神明交。而僂見，憮聞，焄蒿悽愴之情愈著

矣。喪禮百官備百物具，不言而事行者，扶而起

言而後事行者，杖

而起，亦此義也。司官取二勺于簋，洗之，兼執

而起，亦此義也。

以升，乃啓二尊之蓋，冪奠于桮上，加二勺于二

尊，覆之，南枋。

曰：二尊，兩甌也。蓋冪，蓋尊之冪。玄

也。

士讓按二勺上，既滌而概之矣。

鼎序入，雍

此復洗之，重酌奠之器，致其潔也。

正執一七以從。雍府執四七以從。司士合執二俎以從。司士贊者二人皆合執二俎以相從入。

雍正、雍官之長。府其屬也。鼎五而俎六、一為所俎。云相從入者、嫌並行也。陳鼎于東

方當序、南于洗西、皆西面北上、膚為下、七皆加

于鼎、東枋。南于洗西、陳于洗西南也。膚為下、以其加也。東枋、便于執者。既錯鼎加七、

則右人及執七者退。惟左人待載。泊邨吳氏曰、當序、東西節也。南于洗西、南北節也。俎

皆設于鼎西、西肆。所俎在羊俎之北、亦西肆。俎所

在北將先載也。後言之、亦以設在後也。執俎者既設俎乃退。士讓按所俎為敬尺、尊列五俎

之上而先。載亦順序。宗人遣賓就主人，皆盥于洗，長杞。

長賓先，次賓後之。主人不杞，云就主人者，明其親臨。望溪方氏曰：注謂長杞，長賓先，次賓後，是也。敖氏乃云：賓即二佐食及司士，蓋以下文未見賓之事耳。不知七之外，賓別無事，而升載之儀數繁，賓以七出之于鼎，佐食以手承之，乃升而載之於俎，其事本分。特牲亦主人長賓七佐食升載。記曰：佐食於旅，齒于兄弟，則佐食非異姓也。而謂之賓，經無乃自亂其例。佐食上利升牢心舌，載于所俎。牢，羊豕也。皆有心舌。尚心舌者，以心舌知滋味，欲尸之饗此祭也。前寶鼎時，不見心舌，故于此明之。利，即佐食。大夫佐食二人，以上下為別。升，取所杞出者而升之于俎也。羊之心舌在羊鼎，豕之心舌在豕鼎，皆

上利升之者，重所俎也。士讓拔羊豕鼎相  
近，故得兼升，亦以少牢正禮，系統于羊耳。心

皆安下切上，午割勿沒，其載于所俎，末在上，舌

皆切本末，亦午割勿沒，其載于所，橫之，皆如初

爲之于爨也。安，平也。平割其下於載便也。凡割

可絕以祭也。勿沒，勿盡之，不絕其中央少許，爲

恐分散也。未入鼎時，先制此心舌，故出爨時亦

得如初。敖氏繼公曰：特牲記云：舌縮俎。此云橫之，蓋於俎爲縮，於載者爲橫也。佐食

遷，所俎于阼階西，西縮，乃反。既載畢，乃遷之，以

乃反，反于羊鼎佐食二人，上利升羊，載右胖，髀

之東，以待牝升。

不升肩臂臑膊骨。正脊一、脰脊一、橫脊一、短脅一、正脅一、代脅一、皆二骨以並。腸三、胃三、長皆及俎。拒舉肺一、長終肺。祭肺三、皆切。肩臂臑膊骨在兩端。脊脅肺肩在上。自右肘至皆切句言出于鼎之序升之以尊卑也。自肩臂臑膊骨在兩端至肩在上句言載于俎之體次也。拒俎距謂俎足中央橫者也。二肺俱辨長短及切者以入鼎時未制也。泊卽吳氏曰重序牲體者固以明升俎與入鼎多少無異。亦見神尸之俎無一不自鼎升。他俎則無是也。士讓按注云升之以尊卑者蓋四體之肩臂臑膊骨尊于三脊而三脊又尊于三脅也。載之以體次者蓋肩臂臑爲前脛在前端其

次則三脊三脅而膊髂為後脛在後端也。復言脊脅肺肩在上者以上文直言兩端未分上下故須別之也。載不言腸胃者以既言長皆及俎拒拒當俎中節則腸胃在俎之下中可推矣。肺不先時制之者恐入鼎散亂故當載方制也。下利升豕其載如羊無

腸胃體其載于俎皆進下。

進下謂以每體之下向神位也。羊言其體

豕言其下互相見耳。鄉飲酒禮進腍是本。生人食法也。此言進末是骨之終。交于神明不以食道敬之。司士三人升魚腊膚魚用鮓十有五而至也。

俎縮載右首進腍。

縮載謂載而縮俎也。右首據載者視之言。魚以腍為下氣

之所聚也。魚之進腍猶牲之進下。若生人則進鮓。鮓者脊也。尚味也。腊一純而俎。



亦進下肩在上。

亦如羊豕。泊邨吳氏曰：鮒鮓也。今作鮓。見爾雅翼。腴，腹也。腊

亦體解。但羊豕則專用右體而十有一。腊則兼左右體十有九耳。

膚九而俎亦

橫載革順。

列載於俎。令其皮相順。亦如其骨體。敖氏繼公曰：橫載者，載而橫于俎

也。上俎云進下，即橫載也。故此亦之。

### 右舉鼎載俎

卒脔，祝盥于洗，升自西階。主人盥，升自阼階。祝

先入，南面。主人從，戶內西面。

將納祭也。祝先升亦大夫禮異也。祝

南面負墻。

主婦被錫衣，侈袂薦自東房。韭菹醢醢坐

翼于筵前。主婦贊者一人亦被錫衣侈袂執葵

菹。羸醢以授主婦。主婦不興遂受陪設于東。韭

菹在南。葵菹在北。主婦興入于房。主婦大夫妻也。錫敖氏云

當作緣字之誤也。緣祿通內司服曰緣衣素沙

是也。侈袂者袂袖也。袪為袖口。士妻之袂二尺

二寸。袪尺二寸。侈其袂蓋半士妻之袂以益之

袂三尺三寸。袪尺八寸也。韭菹醢醢朝事之豆

也。而饋食用之。豐大夫禮。贊者服同主婦亦如

賓客之皆朝服也。葵菹羸醢饋食之豆也。大夫

之分宜用之。其設法韭菹在南。醢醢在北。次東

葵菹在北。羸醢在南。是其緯也。士讓按被者

首飾也。詩云被之僮僮。初初周禮所謂次是也。

錫與緇古字通。細布也。士喪禮緇緇緇注緇下

長豐川罕 卷十六 少牢饋食 三

曰錫。是錫衣。卽綠衣可。知。追師注。衣綠衣者服  
次。然則大夫之妻。展衣爲上。綠衣次之。此自祭  
其家廟。故服之。避助祭於公也。主婦被錫衣。後  
袂。言大夫妻之服。以被爲首飾。而衣錫衣。袂則  
侈廣焉。注讀被錫爲髮髻。似誤。敖氏以  
被爲衣之。又不見首服何服。亦可疑。佐食上

利執羊俎。下利執豕俎。司士三人執魚腊膚俎。

序升自西階。相從入。設俎。羊在豆東。豕亞其北。

魚在羊東。腊在豕東。特膚當俎北端。俎北端當豕北也。五

鼎而俎亦五。主婦自東房。執一金敦黍有蓋。坐設于

羊俎之南。婦贊者執敦稷以授主婦。主婦興受。

坐設于魚俎南。又興受贊者敦黍，坐設于稷南。

又興受贊者敦稷，坐設于黍南。敦皆南首。主婦

興入于房。

金敦以金飾之。四敦皆然。特見其一耳。敦有首，亦尊者飾異也。飾蓋象龜。

祭器博庶物也。

天子玉敦。祝酌奠，遂命佐食啓會。佐食啓會

蓋二以重設于敦南。

酌酒爲饗神，奠之于鉶南。特牲祝洗酌奠，此不云洗。

可知也。先設餘饌至此，乃酌者酒尊物，要其成也。重累之。黍稷各二蓋，各累于敦之南，卻合之。

主人西面，祝在左，主人再拜稽首。祝祝曰：「孝孫

某，敢用柔毛剛鬣嘉薦膋淖，用薦歲事于皇祖。

伯某以某妃配某氏。尚饗。主人又再拜稽首。

曰羊

豕毛。羊肥則毛柔。豕曰剛鬣。豕肥則鬣剛。嘉薦  
蒞醢也。魯淖未詳。或曰黍稷也。魯大也。淖和也。  
德能大和。乃  
有黍稷也。

右饗神

祝出迎尸于廟門之外。主人降立于阼階東。西

面祝先入門。尸入門左。

主人不出迎尸。伸尸  
尊也。祝入門右者。辟

尸也。既  
則後尸。

宗人奉槃。東面于庭南。一宗人奉匱

水。西面于槃東。一宗人奉簞巾。南面于槃北。乃

沃尸盥于槃上。卒盥，坐奠簞，取巾，興振之三，以

授尸。坐取簞，興以受尸巾。

庭南沒雷處也。侍者奉器就尸北面盥。

敖氏繼公曰：庭南，尸入門左之位，為少北。於

此俟之，亦異于士。蔡氏宸錫曰：此宗人有三

即特牲記所云奉槃執匱執

祝延尸，尸升自西

巾者，但彼未必皆宗人耳。

階入，祝從。延，進也。由後詔相之。主人升自阼階，祝先入，主

人從。祝接神人宜先。尸升筵，祝主人西面立於戶內，祝

在左。主人居右，尊也。祝俟尸即席，乃卻居主人左。蔡氏宸錫曰：室中西面，主人之定位。

也。祝位負北墻南面。祝主人皆拜妥尸，尸不言，有事於神尸，則變位。

尸咎拜遂坐。

拜安尸拜之使安坐也。尸自此答拜遂坐而卒食。其間有不啐奠不

嘗餽不告旨大夫之禮異也。蔡氏宸錫曰尸

不言象神之恭默也。特牲有嗣舉奠故尸行執

與啐酒之禮以始之。少牢無舉奠故初不啐酒

與。敖氏繼公曰尸不言則祝主人之妥有辭

矣。尸于既拜乃坐亦變于士。所以祝反南面。

升筵而未卽坐者以主人尊故也。祝反南面有

事也。大夫墮祭爾敦官各肅其職不待祝命之

故祝得反。三禮館議南面者祝先入之初位

也。迨致祝辭則在左。至此尸坐

祝無事復其先入之位故曰反。

右尸入

尸取韭菹辯煠于三豆。祭于豆閒。上佐食取黍

稷于四敦。下佐食取牢一切肺于俎以授上佐

食。上佐食兼與黍以授尸。尸受同祭于豆祭。羊牢

豕也。同合也。合祭于菹豆所祭之處也。切肺祭肺也。牢一切肺羊豕各一也。不言稷見其尊者。

孔氏類達曰郊特牲云祭黍稷加肺報陰也。謂尸墮祭黍稷加之以肺。肺陰類親形魄歸地

以陰物祭之。故云報陰。上佐食舉尸牢肺正脊以授尸上

佐食爾上敦黍於筵上右之。牢肺離肺也。不言

爾移而近之也。右之蓋當尸前之南便。主人羞

尸食也。重言上佐食明更起不相因。所俎升自阼階置于膚北。云升自阼階嫌由西

階故明之置亦橫設



之。特牲之俎，膚從豕，故所在  
脂北。此有膚俎，故所在膚北。上佐食羞兩鉶，取

一羊鉶于房中，坐設于韭菹之南。下佐食又取

一豕鉶于房中，以從。上佐食受，坐設于羊鉶之

南。皆芼，皆有柶。尸扱以柶祭羊鉶，遂以祭豕鉶。

嘗羊鉶。上佐食受，興受之也。故下云坐設。祭鉶亦于豆祭。士讓按自尸祭韭菹至此，

其品物多矣。而尸惟嘗羊鉶而已，未有先食者。蓋羊為少牢，必先嘗之，以明禮之正也。食

舉。牛肺正脊也。三飯。食。上佐食舉尸牢幹，尸受。

振祭，嚼之。佐食受加于所。幹，正脊也。上佐食羞臠，兩

瓦豆有醢亦用瓦豆設於薦豆之北。也。羊豕在

南不載在北無膾臠。蔡氏宸錫曰凡薦豆用

木豆則加豆其皆用瓦豆歟。瓦豆謂之登亦曰

鐸。尸又食食載上佐食舉尸一魚尸受振祭嘑

之佐食受加于所橫之。此四飯也。或言食或言

謂之飯。魚橫之異於肉。敖氏繼公曰尸食載

亦異于士。橫之象其在魚俎也。此亦于俎為縮

于人為橫。然則佐食於加物于所俎之時其亦

西面與。望溪方氏曰特牲舉幹酪肩皆以獸

魚從以合九飯之節也。少牢分魚腊為二又以

魚附于載以成十一飯之數也。士讓按凡言

橫載者皆據俎言也。言橫

之者皆據人設之言也。又食上佐食舉尸腊

肩尸受振祭。膾之上佐食。受加于所。

此五飯也。腊魚惟一

舉者以少牢牲盛。畧其細也。腊如牲體甚多。惟

舉肩。肩為尊。取成於終為義。魚腊不同。時舉大

夫禮。崇威儀。敖氏繼公曰。此言上佐

食受。則前後所謂佐食受者。皆其上者。又食上

佐食。舉尸牢幣如初。

此六飯也。如初。如舉幹。

又食。

此七飯也。不舉

者。卿大夫禮不

過五舉。須脩尸。尸告飽。祝西面于主人之南。獨

脩。不拜。脩曰。皇尸未實。脩。

脩勸也。祝獨勸者。與主人相更勸。則尸飽

實。猶飽也。祝既脩。復反南面位。士尸三飯而脩。

大夫尸七飯而脩。諸侯尸九飯而脩。天子尸十

一飯而脩。敖氏繼公曰。脩尸祝固不拜矣。乃

言之者。嫌下文主人拜脩。祝獨脩。或當拜也。

尸又食

此八飯也。承上既侑。

上佐食舉尸牢肩。尸受振祭。

嚼之。佐食受加于所。

四舉半體始于正脊。終于肩。尊於始終。

尸不

飯告飽。祝西面於主人之南。

當贊主人之辭。

主人不言。

拜侑。

祝為之辭。故可以不言。

尸又三飯。

為祝一飯。為主人三飯。尊卑之差。此

三飯為加也。通上

上佐食受尸牢肺正脊。加于

几十一飯禮成。

所。言受者尸授之也。受牢幹而實舉于菹豆。今

食畢操以授佐食焉。佐食亦反上敦黍于其

所。不言經

# 右尸正祭

主人降洗爵升北面酌酒乃酌尸尸拜受主人

拜送

云北面酌酒見凡酌于此皆之面位也。尊東西設勺南枋而北面酌之則非酌于此

者其面位亦可得而推矣。

尸祭酒啐酒賓長羞牢肝用俎縮

執俎肝亦縮進末鹽在右

縮執俎者執其左右康也。肝稱牢兼羊豕

也。鹽在肝右便于尸揆之。

敖氏繼公曰肝進

末即體進下之意。祭禮進末則昏禮之肝從當

進本也。

尸左執爵右兼取肝揆于俎鹽振祭齊之

加于菹豆卒爵主人拜祝受尸爵尸答拜

敖氏繼公

曰尸未授爵而主人拜故祝亦不相爵皆大夫禮異也。下凡與特牲異皆皆放此。士讓按羞

兼羊豕其齊之。先羊後豕可知。祝酌授尸。尸醋主人。主人拜受爵。尸答拜。主人西面奠爵。又拜。主人受酢酒俠面奠爵受爵而反位時也。拜。彌尊尸也。西

### 右主人酌尸尸醋

上佐食取四敦黍稷。下佐食取牢一切肺以授上佐食。上佐食以綏祭。以綏祭者謂佐食授黍稷肺與主人為墮禮也。

主人左執爵。右受佐食。坐祭之。又祭酒。不興遂啐酒。右手受墮於佐食而坐祭之。將受尸餼也。主人恆立有事則坐。祝與二佐

食皆出，盥于洗，入二佐食，各取黍于一敦。上佐

食兼受，搏之以授尸。尸執以命祝。三人皆為將，執所嘏之物。

而盥，敬其事也。各取黍，上者取于上敦，下者取于下敦也。命祝者，命以嘏辭。卒命祝。

祝受以東北，面于戶西，以嘏于主人曰：「皇尸命

工祝，承致多福，無疆于女孝孫。來女孝孫，使女

受祿于天，宜稼于田，耆壽萬年，勿替引之。」受，受黍也。

東北面，向主人。於戶西者，為尸致嘏，宜近尸也。

嘏，大也。予，主人以大福來。如來禹之來，欲其進

而受黍也。特牲尸親嘏，此大夫尸尊而禮文，故

尸使祝嘏。方氏百川曰：周官不耕者祭無盛。土

無田則從庶人之薄。故雖卿大夫之尊。祝嘏之辭。不過宜稼于田而已。雅詩有楚茨大田。須有載芟良耜。自天子以至庶人。但能知稼穡之艱難。則百行有本。所以為萬福之原也。主人坐奠爵。興再拜稽首。興受黍。坐振祭。嘑之。詩懷之。實于左袂。挂于季指。執爵以興。坐卒爵。執爵以興。坐奠爵。拜尸答拜。執爵以興。出宰夫以遵受齊黍。主人嘗之。納諸內。坐奠爵者。將立聽嘏也。詩猶承也。實于左袂。便右手也。季猶小也。出。出戶也。宰夫掌飲食之事者。收斂曰齊。明豐年乃有黍稷也。特牲祝以遵受。此宰夫以遵受。大夫禮異也。主人復嘗之。重受祿之至。納入也。三禮館議云。特牲尸



親嘏主人注云其辭則少牢禮有焉。是士與大夫嘏辭相同。只士親嘏不命工祝。則首句須易之耳。

### 右尸命祝嘏

主人獻祝設席南面祝拜于席上坐受。

亦先設席乃酌

獻之文逆叙耳。拜于席上坐受者爲室中迫狹。

主人西面答拜薦兩豆。

菹醢。

薦者亦宰夫也。下篇云主婦獻祝宰夫薦。醢此宜如之。兩豆韭菹醢醢也。蓋祝遵

以尸之上遵則其豆亦當以尸之上豆也。

泊

邾吳氏曰大夫祭雖無朝事而豆則以朝事始之。韭菹醢醢上經薦于尸者也。然無嫌也。祝殺其二者非菹醢醢則同。敖氏以上遵例之是也。

佐食設俎。牢髀橫脊一。短脅一。腸一。胃一。膚三。

魚一。橫之。腊兩髀屬于尻。牢兼羊豕。髀皆右髀也。脊脅不二骨者。俎

實已多也。祝下尸所升皆下體。魚橫者亦據人

而言也。牢體皆橫于俎。于人為縮。魚殊之于俎

為縮。于人為橫矣。腊兩髀不殊。皆取尸俎之不

用者。泊卯吳氏曰。尻兩髀中有竅處也。兩髀

屬之。則載於俎之末端歟。祝接神

尊之。故雖下尸而俎實之多如此。祝取菹揆于

醢。祭于豆閒。祝祭俎。大夫祝俎無肺。祭用膚遠

耳。祭酒。啐酒。肝牢從。祝取肝揆于鹽。振祭。嘑之。

不與。加于俎。卒爵興。

俎牲俎也。不拜既爵。主人

大夫祝賤。變於士禮。主人

酌獻上佐食。上佐食戶內牖東北面拜坐受爵。

主人西面答拜。

取節於牖見其少西於其他之北面拜者凡室中北面拜者皆

在戶牖開其言戶西者則近于戶其言牖東者

則近于牖。士讓按祝有設席佐食無設席經

但著其位。佐食祭酒卒爵拜坐授爵興。禮畧也。與則

出立戶外負辰。敖氏繼公曰拜蓋衍文祝與

佐食皆不拜既爵者遠下尸亦大夫禮異也。

俎設于兩階之間其俎折一膚。不得成禮于室

皆遠下尸折折半正體之餘骨。主人又獻下佐食亦如之其胥

亦設于階閒西上亦折一膚。上下佐食既獻則

出就其俎特牲記

亦設于階閒西上亦折一膚。

上下佐食既獻則出就其俎特牲記

云、佐食無事則中庭北面、謂此時卒爵、則主人受爵以實于下篚、而升復位。

## 右主人獻祝及佐食

有司贊者取爵于篚以升、授主婦贊者于房戶。

篚、下篚也。婦人不下堂、不可取爵于庭、故有司為取之。戶字誤、當為東字。以下經授婦贊者于房東、而可知也。內則祭相授器、女授以篚。無篚、坐奠而後取。此當亦然。文不具耳。婦贊

者受以授主婦。主婦洗于房中、出酌、入戶、西面

拜獻尸。

入戶西面拜、由便也。不比面者、辟人君夫人也。拜而後獻者、當俛拜也。昏禮曰、

婦洗在北堂、

尸拜受。主婦主人之北、西面拜送。

直室東隅。

爵。

士讓按主婦拜送爵必立于主人之北者祭

必夫婦親之。主婦在北則主人在南矣。亦以見妻之齊有所統也。然則士妻何以北面歟。則注固云群內于也。

尸祭酒卒爵。

主婦拜祝受尸爵。尸答拜。

尸不啐而卒爵為無從也。士讓按特牲

主婦亞獻時宗婦執兩邊兄弟長以燔從。此無者特牲室中成禮無賓尸於堂之事故即備邊燔。此別行賓尸。凡釂豆邊濟胥燔皆于賓尸時進之。禮各異也。易爵洗酌授尸。

祝易爵易下下能也。酢而易爵亦內于禮異也。下能洗西故因易爵而洗之。男女不同爵。

主婦拜受爵。尸答拜。

主婦受酢不夾爵拜。亦變于不賓尸禮。

上佐

食綏祭。主婦西面于主人之北受祭。祭之。其綏

祭如主人之禮。不嘏。卒爵拜。尸答拜。士妻撫祭。內子受祭。

又有于房于室之異。皆相變也。不嘏。夫婦一體。

士讓按神則以某妃配。不別尸設同几。人則

主婦亞獻。不嘏。幽明主婦以爵出。贊者受。贊者有司

之故。皆陰統於陽。

者。贊

右主婦亞獻。尸酢主婦。

易爵于篚。以授主婦于房中。易爵。亦有司授。婦贊者。婦贊者受于

房戶外。入授主婦。敖氏繼公主婦洗。酌獻祝。

日。以此觀之。內篚無爵明矣。

祝拜。坐受爵。主婦答拜於主人之北。卒爵。不興。

坐授主婦。不俛拜。主婦受，酌獻上佐食于戶內。

佐食北面拜，坐受爵。主婦西面答拜。祭酒卒爵，

坐授主婦。主婦獻下佐食，亦如之。主婦受爵以

入于房。爵入于房，奠于內篚。土讓按于祝二

食不見洗文，簡中又有等也。其相授器則同，以當祭故也。

### 右主婦獻祝與佐食

賓長洗爵，獻于尸。尸拜受爵。賓戶西北面拜送

爵。尸祭酒，卒爵。賓拜，祝受尸爵。尸答拜。此賓長獻尸尸

不止爵與特牲異者。彼欲神惠均于室中。此大  
夫有賓禮。故異也。其不賓尸。則止爵與特牲同。  
祝酌授尸。賓拜受爵。尸拜送爵。賓坐奠爵遂拜。  
執爵以興。坐祭。遂飲卒爵。執爵以興。坐奠爵拜。  
尸答拜。賓受酢。俠拜。與夫奠爵拜執爵與賓酌之類。皆放主人事尸之禮為之。賓酌  
獻祝。祝拜。坐受爵。賓北面答拜。祝祭酒。啐酒。奠  
爵于其筵前。祝啐酒而不卒爵。不獻佐食。將饋尸。禮殺也。敖氏繼公曰。筵前席南也。蓋北面奠之。奠于此者。明其與他奠爵之禮異也。祝不卒爵。又不及佐食。蓋放不賓尸末獻之儀。



右賓長獻尸祝

主人出立于阼階上西面。祝出立于西階上東

面。祝告曰利成。

特牲尸外告此禮於階上尊者彌遠於尸。祝入尸謖。

起謖。主人降立于阼階東西面。祝先尸從遂出于

廟門。

迎尸送尸皆據廟門為斷尸出祝宜告以主人將有事請就次以祭畢即行儗尸之

禮也。

右祭畢尸出

祝反復位于室中。主人亦入于室復位。祝命佐

食徹所俎。降，設于堂下阼階南。徹所俎，不出門，亦將饋尸也。不賓尸之禮，尸出則上佐食出尸俎于廟門外。有司受歸之。阼階南，近於向所升處。

### 右徹所俎

司宮設對席，乃四人饔。大夫禮，四人饔，明惠大也。士只二人。泊邨吳氏曰：設對席而四人饔，則二人共一席矣。

西面之席當少北，以主人之位在其南也。上佐

食盥，升，下佐食對之。賓長二人備。二人，謂長賓及衆賓長也。

三饔亦盥升。此佐食皆同姓，故使賓長對之。其

位皆不東西相當。上佐食東面，居尸坐處。下佐

食西面，近北。一賓長在上佐食之北。一賓長在

下佐食之南。蓋佐食爲正居右，而賓皆居左也。

亦以室中之事佐食與尸周旋久而闕一獻神  
惠宜首及賓長助獻因得陪食也。望溪方氏  
曰養親者之事也。嗣不舉奠則以二佐食爲上  
養若皆異姓則佐食不得先于賓矣。以此知上  
經宗人所遣之賓敎氏以佐食當之非也。士  
讓技大夫嗣既不舉奠故亦不與於餼也。佐食  
自餼之後無事矣。當與司士進一敦黍于上佐  
祝退就饋尸堂下位與。

食又進一敦黍于下佐食皆右之于席上。

飯用黍右

之便取也。東面右在南西面右在北。

泊邛吳

氏曰祭統言餼者祭之末也善終者如始餼其  
是矣。凡餼之道每變以衆所以別貴賤之等而  
興施惠之象也。是故以四簋黍見其修于廟中  
也。四簋黍者記者謂士二簋餼以一。大夫四簋  
餼以二。諸侯六簋餼以四。若天子八簋餼以六

也。其二簋不以餞者，留其有餘，神惠不可盡也。  
蓋古者大夫士四時之祭，有用燕禮者，有用食  
禮者。用燕禮則有樂，用食禮則無樂。特牲少牢  
皆食禮，故名饋食而無樂也。觀特牲尸九飯，少  
牢尸十一飯，則用食禮明矣。資黍于羊俎，兩端兩下是餞。猶  
減也。兩端當肩與幣之處也。兩下二賓長也。餞  
主於二佐食，故以二賓長爲下。減黍置于羊俎  
兩端，則一賓長在上，佐食之北，一賓長在下，佐  
食之南。泊邛吳氏曰：上文云徹肝俎，此云資  
黍兩端，則五俎之設，自若也。俎設自若，  
不分簋而資黍于俎，皆大夫禮異也。司士乃  
辯舉，養者皆祭。黍祭舉。辯舉，膚以授四人。特牲  
禮亦然。膚卽主人西面三拜。養者養者，奠舉于  
在特俎者。

俎皆答拜皆反取舉

三拜旅之示偏也奠舉各於近處皆答拜答一拜也

言反者拜時或去其席在東面席者東面拜在西面席者皆南面拜嫌與主人同位也

司

士進一鉶于上養又進一鉶于次養又進二豆

滑于兩下乃皆食食舉

二鉶上養羊下養豕滑肉汁也二滑亦羊豕各

一神坐之上只有二鉶已進于上下佐食故更

羞二豆滑于二賓長滑從門外簠中來者皆食

食豕也食

舉食膚也

卒食主人洗一爵升酌以授上養贊

者洗三爵酌主人受于戶內以授次養若是以

辯皆不拜受爵主人西面三拜養者養者奠爵

皆答拜。皆祭酒。卒爵。奠爵皆拜。主人答一拜。贊

亦宰夫也。每於將酌乃洗爵、文總言之耳。不拜

受爵人多、重勞主人一一答之也。答一拜、畧也

周禮九拜所謂奇拜也。養者三人興出。出、降實爵于上養

止。主人受上養爵、酌以醋于戶內、西面坐奠爵。

拜。上養答拜。坐祭酒、啐酒。主人啐酒者、為聽嘏。

者、達養者之意欲酢主人。且與士讓按主人自酌。

特牲上養親酌之禮相變也。上養親嘏曰、主

人受祭之福。胡壽保建家室。親嘏不使祝、且不

尸也。胡壽、猶看壽。主人興、坐奠爵拜。執爵以興、

老人頷下有胡。

坐卒爵拜。

重餼。故其禮盛。至是乃云。

上養答拜。

上養興出。主人送。乃退。

主人奠爵。上餼不受。示禮有終。且爲有司將徹。

也。出。出戶。送。送於戶外。

尚未出廟門。故不拜。賓

以出。爲退。主人以入。爲退。

望溪方氏曰。特牲

祝再戒。養者而少牢無之。少牢養餼。主人而特

牲無之。何也。特牲之餼。嗣子及兄弟也。故主人

與祝。原祖考之意。以戒之。少牢之餼。族子弟也。

且有異姓之賓。何爲申戒之哉。若祭之終有餼。

乃原祖考之心。欲子孫常保天祿。族子弟爲佐

食。故可以傳餼詞。若特牲之上餼。則嗣子也。本

非事神佐尸之人。安得傳神語以致餼哉。士

讓接特牲主人祝曰。養有以也。見興惠逮下之

意。少牢上養餼曰。主人受祭之福。胡

壽保。建家室。則歸福于上之意也。

右行餽

右少牢饋食禮

凡十八節經  
文止無記



儀禮紉解卷十七

安溪王士讓述

有司徹第十七

此少牢下篇也。以簡帙多，分爲二卷，與既夕同。於五禮屬吉禮。徹者，徹室中之饋及菹者之豆爵，與祝之薦俎也。蔡氏宸錫曰：祭統言天子之祭，與天下樂之，諸侯之祭，與竟內樂之。然則大夫之饋尸，亦率其賓客宗族家臣以樂尸也。饋尸爲正禮，不饋尸爲禮之殺。故另起若不賓尸，如士冠禮，若不醑則醑用酒，士昏禮，若不親迎，則婦入三月，然後壻見。一例。敖氏以爲古今文質異宜，或五方風俗異尚，是也。又時祭有四，或三時饋尸，而一時

不儻尸。或秋冬儻尸而春夏不儻尸。惟人酌行之耳。

**有司徹。**

有司者司馬司士宰夫之屬也。無室事則凡室中所有悉徹而空之。室中之饌

也。酌奠之解也。祝之二豆也。一俎也。羹者之二

豆清也。四爵也。其在外則所俎已設于堂下昨

階南。二佐食之薦俎。本設于兩階間。悉徹之。但

尸俎所俎則出之饗以待饗。祝佐食之薦俎則

當各設之于其堂下之位。其餘豆鉶諸物各歸

其所。以**埽堂。**此埽曰埽。正祭時堂已

待撤除。埽訖。今為儻尸新之。**司宮攝酒。**

攝因前正祭之酒更添益整新之。蔡氏宸錫

曰攝說文解為引持。此疏又云添益則是持酒

以益尊。所謂貳也。天官酒正大祭三

貳中祭再貳小祭一貳皆有酌數。**乃饗尸俎。**

𦍋。溫也。說文云。於湯中煇肉也。俎之實。謂尸前之羊豕魚。及所加于胾俎者也。蔡氏宸錫曰。敖氏謂祝與佐食亦與賓尸之禮。其俎實不𦍋者。以無上位。故畧之。但因其故俎而已。然則祝若同姓。則在堂下。兄弟之列。若異姓。則在堂下。衆賓之列。泊邨吳氏曰。正祭時所升者。尸俎而外。惟祝與二佐食之俎而已。其餘則皆存乎饌也。將賓尸。則凡賓兄弟公有司私人內兄弟之胥。雍人皆自饌載之于俎。饌中直有清而已。乃以尸俎投而𦍋之。卒𦍋。乃升羊豕魚三鼎。無腊與膚。乃設扃鼎。陳鼎于門外。如初。無腊與膚者。僎尸之禮。殺於五。如初者。如廟門之外。東方北面北上。士讓按下文載俎實。尸膚五。侑膚三。主人膚三。主婦膚一。是有膚也。經言無膚。言無專鼎耳。注以腊爲庶羞。而敖

氏又云腊全不用者以鼎數宜奇禮  
既貶于祭腊又賤故併去之故說長

### 右徹饋乃爇尸俎

乃議侑于賓以異姓

侑之為言佑也所以輔尸  
者議侑于賓謂與賓長謀

衆賓中之可為者如鄉飲酒就先生而謀賓介  
之意用異姓廣敬也此時主人及賓有司已在  
內位士讓按侑不以同姓而以異姓者尸雖  
同姓子行然此時則以賓道待之矣若侑以同  
姓是類於族人燕私之節也故尸暫為賓即輔  
之以賓且以位言之尸席戶西南面如鄉飲之  
賓侑席西序東面如鄉飲酒之介  
侑必異姓乃可以位于西方也  
宗人戒侑  
告也南面告於其  
位戒曰請子為侑  
侑出俟于廟門之外  
待於次當與尸

更入。主人興禮事尸極敬心也。

### 右立侑

司宮筵于戶西、南面。

為尸席也。

又筵于西序東面。

為侑

席也。尸與侑北面于廟門之外、西上。

北面者賓尸而尸益卑尊

大夫西上者

主人出迎尸、宗人擯。

正祭主人不迎尸以伸尸

賓位尚左。之尊。此迎之待以客禮也。向者祝

主人拜尸答

拜。主人又拜侑侑答拜。

主人西面答拜者皆東面。

主人揖先

入門右。

道尸

入門左。

侑從亦左。揖乃讓。

設霜相揖至階

又護。主人先升自阼階。尸侑升自西階。西楹西北

面東上。尸升三等。侑從之中等。蓋如上下射升降之儀。主人東楹東北

面拜至。尸答拜。主人又拜侑。侑答拜。拜至喜之。三禮館

議鄉飲酒禮。賓升。主人先拜至。與賓成禮。既乃與介揖讓升。又拜至。與介成禮。此則尸侑同時升。而主人之拜至亦相踵為之。與彼禮異。

右迎尸侑

乃舉。舉鼎也。舉者不與殺於正祭。司馬舉羊鼎。司士舉豕鼎。

舉魚鼎以入。陳鼎如初。司馬二人。司士四人也。如初。如阼階下西面北。

上。雍正執一匕以從。雍府執二匕以從。司士合

執二俎以從。司士贊者亦合執二俎以從。匕皆

加于鼎。東枋二俎設于羊鼎西。西縮二俎皆設

于二鼎西。亦西縮。凡三匕。鼎各一匕。四俎。乃尸

亦北上如鼎之序。其載之。亦先北而後南也。此

皆羊俎。其二乃皆設于豕鼎魚鼎西者。欲使鼎

前皆有俎也。士讓大夫以羊為上牲。故篇名

少牢。此儗尸諸品皆統於羊。故羊鼎特先序之。  
執羊匕者亦先序之。雍人合執二俎陳于羊俎  
而羊俎俱并序之。  
西。金皆西縮。覆二疏匕于其上。皆縮俎。西枋。此

儀禮紉解

卷十七

有司備

四

俎為益送之俎也。羊俎指在羊鼎西者也。二俎陳于其西亦北上。其北俎次賓以羞羊匕濟。豕匕濟其南俎司馬以羞羊肉濟。司士以羞豕濟魚也。疏匕匕柄有刻飾者。二疏匕羊豕之濟宜異器也。覆之為塵也。縮俎西枋為縮執俎者在西也。

右陳設鼎俎

主人降受宰几尸侑降主人辭尸對。

几所以安體几為尸

侑亦降者從尸也。几尸為禮類此者侑則從之。此所以謂之侑也。宰授几主人

受二手橫執几揖尸。

几自東壁來其授受于阼階東與獨揖尸者几禮主

于主人升尸侑升復位。

位阼階賓階上位。

主人西面左



手執几。縮之。以右袂推拂几三。二手橫執几。進

授尸于筵前。

拂几則縮。授几則橫。從便也。衣袂謂之袖。推進也。拂却也。俱以袂為

之。去塵

示新也。尸進。二手受于手閒。

此亦訝受也。主人

併二手執几中閒。主人執几執外廉。尸受于

主人之手閒。執內廉。授者極慎。受者極恭也。

人退。尸還几。縮之。右手執外廉。北面奠于筵上。

左之南。縮。不坐。

尸橫受几。將欲縱設于席。故還之使縮。以右手執几外廉。北鄉

設于席也。左之者。異于鬼神。生人陽長左。鬼神

陰長右。不坐奠之者。几稍高。少饒云。取俎進俎

不坐。其意類此。泊邨吳氏曰。此以筵

主人東

為左右。不以設之者為左右。故在東也。

櫨東北面拜。

拜送几也。

尸復位。尸與侑皆北面答拜。

從尸。

右授几

士讓按几設几見于經者神人尊卑之禮各別。士昏納采筵于戶西西上。

右几尊神也。醴賓徹几改筵東上几左之爲人也。親迎主人筵于戶西西上右几奠某席于廟奧東面右几皆爲神也。聘禮使者釋幣有司筵几聘時設几筵使者歸至于廟筵几皆爲神也。禮賓時宰夫徹几改筵則爲人者也。有設而不授者公食大夫是也。覲禮侯氏授几尊王便也。王設斧依左右几王尊也。特牲祝初筵几于室中東面改饌則几在南皆爲神也。少牢祝設几于筵上右之亦爲神也。至有司徹饋尸而主人授几則全乎人矣。几

經用凡者備載  
于此以見例。

主人降洗尸。侑降尸。辭洗。主人對。卒洗。揖。主人  
升。尸侑升。尸西楹西北面拜洗。主人東楹東北  
面奠爵答拜。降盥。尸侑降。主人辭。尸對。卒盥。主  
人揖升。尸侑升。主人坐取爵酌獻尸。尸北面拜  
受爵。主人東楹東北面拜送爵。其饋盞皆如鄉飲酒。主婦  
自東房薦韭菹醢。坐奠于筵前。菹在西方。婦贊  
者執昌菹醢以授主婦。主婦不興受。陪設于南。

。昌在東方。興取籩于房。饔饔坐設于豆西。當外

列。饔在東方。婦饗者執白黑以授主婦。主婦不

興受。設于初籩之南。白在西方。興退。昌昌本也。非菹之醢。

醢醢也。昌菹之醢。康饔也。饔有骨而醢無骨。但

醬亦可稱醢耳。饔熬麥。黃熬麻。白熬稻。黑熬黍。

此皆朝事之籩豆。大夫無朝事而用以饋尸。豈

其禮也。但天子八籩八豆。此只取其四。亦降殺

也。先獻後薦。異于祭也。陪設重列之也。主婦取

籩與首以饗饔親之。當外列者。饔在康饔西。辟

亞獻之設。餽也。退退入房。泊邾吳氏曰。大夫

當日饋尸。設俎而不更殺。所以降于饔。且日力

不給也。其他籩豆則皆新之。故用昌菹康廚。以

見非菹醢醢亦不仍正祭之舊也。士讓按昌

蒞醢及饔飧白黑六物正祭時不陳而盛於饋尸者待以賓禮特新其饌豐之也。

### 右主人獻尸主婦薦豆籩

乃升。

升牲體于俎。

司馬牝羊亦司馬載載右體肩臂

肫骼臠正脊一脰脊一橫脊一短脅一正脅一

代脅一腸一胃一祭肺一載于一俎。

凡升羊者皆司馬為

之。特于此見之耳。上言載尸俎而此肩臂肫骼臠具有明神俎與所俎並用也。復序俎實者其數及載與進俎之法皆有異于上故耳。臠後于骼者以其折也。臠必折者貶于神俎且欲以所折者為肉清俎也。其脊脅皆一骨及腸胃各一者義亦如之。賓尸主于飲酒而有祭肺者盛禮

也。一俎爲司士所設。羊鼎西之比俎也。饌載則  
有主人主婦之羊俎。亦繼此而序載之。每俎既  
載。則遷之于阼階西。亦北上西楹。俟時乃設。  
耳。所以然者。爲當進羊匕。清羊肉。清于尸也。羊  
肉。清。臠。折。正。脊。一。正。脅。一。腸。一。胃。一。膾。肺。一。載  
于南俎。此爲尸之加俎也。羊肉。清。臠。折者。折臠  
體之肉于清中。以增俎實也。清。汁也。豕  
亦有豕清。而名膾者。互見爲文。言膾者。見在俎  
無汁。言肉清者。見在鼎。內時有汁也。惟在俎無  
汁。故下經進羊肉。清。必先進羊匕。清。見此清爲  
肉。而有。故在羊肉。清。前進之。使尸嘗而甘之也。  
羊有正俎。羞匕。清。又羞肉。清。豕無正俎。魚無匕  
清。隆汚之稷也。凡羊肉。清。與豕膾。清。魚。皆俟時  
而載。因升正俎之節。而遂見之。欲其  
又相北耳。南俎。雍人所設在南者。司士牝豕。

亦司士載。亦右體。肩臂肫骼臠。正脊一。脰脊一。

橫脊一。短脅一。正脅一。代脅一。膚五。臠肺一。載

于一俎。凡升豕皆司士爲之。此所謂豕脅也。豕

此俎與羊肉清俎同皆雍人所設于羊俎西之

南俎更爲虛實而遞送之者也。豕臠不折亦序

于下者。脔俎。羊左肩左肫。正脊一。脅一。腸一。胃

一。切肺一。載于一俎。脔俎。豕左肩折。正脊一。脅

一。膚三。切肺一。載于一俎。牲右體皆在尸俎。故

羊肉清故羊俎得用二體。前體以肩後體以肫。

尊之也。有肩有肫則肫在下端矣。羊俎亦用祭

肺者與尸俎同在堂上，因其禮也。昨俎亦然。飲酒正禮，祭以離肺。其以切肺者，或盛之，或有爲加之，或因之，非常禮也。豕左肩折，不用全體者，折分爲長兄弟俎也。豕胷體數，殺于羊俎，又無羊肉，皆下尸也。侑之羊俎，在羊鼎西之南，司士所設也。侑之豕俎，與尸之豕胷同用南俎。昨俎，羊肺一，祭肺一，載于一俎。羊肉滂，臂一，脊一，脅一，腸一，胃一，膾肺一，載于一俎。豕胷，臂一，脊一，脅一，膚三，膾肺一，載于一俎。

尸牲俎三，主人亦如之。而正俎無體，遠下尸也。以肺代之，肺氣主，尊也。正俎太賤，故加俎用尊體。其脊脅之屬亦不嫌與尸同也。臂不言左，可知也。豕胷猶言豕俎也。不言肉滂者，交互見也。豕胷體數，乃放羊肉滂者。



亦以正俎太簡故耳。此羊肉。主婦俎。羊左臠。脊  
一、脅一、腸一、胃一、膚一、齊羊肺一、載于一俎。此

婦一俎也。有正俎而無豕脰、下脩也。必用膚者、  
有羊無豕、特加豕膚以見意也。羊肺在下、貴所  
祭、殊之也。其俎前司士所設在魚鼎西、而後此  
設于房中者。士讓按肺有二種、而稱名有六。  
曰祭、刊切者、祭肺也。曰舉、離齊者、食肺也。祭肺  
尊而食肺卑。今尸俎祭食肺皆有之。脩俎惟祭  
肺。昨俎則皆有。主婦俎惟  
食肺。觀此可知禮之序。司士杞魚、亦司士載。

尸俎五魚、橫載之。脩主人皆一魚、亦橫載之。皆

加臠祭于其上。二司士、舉魚鼎者也。橫載之、亦  
縮俎。其于載者、則為橫。此益送

之俎載時皆橫執之與羞之之時異於斯見之矣凡經言載俎之例惟云橫載者據俎而言也加以之字者據載者而言也此三羞清魚亦迭用南俎膳讀如殷嘽之嘽剗魚時剗其腹以爲大饗可用以祭也泊邨吳氏曰尸之魚俎不與前併序之而在此者欲使魚俎三爲類也

### 右司馬司士載俎

泊邨吳氏曰正俎四可預載不必俟時其益送之俎

十有二尸則羊七清也羊肉清也豕七清也豕胥也清魚也凡五侑則豕胥也清魚也凡二主人與尸同亦五合之爲益送者十有二而皆以雍人所設十羊俎西之二俎更迭往還實升虛降而遞送之其羊七清豕七清有清無肉無體載之事故不列于載俎之類而但著挹注之法于乃升之後以見例耳羊肉豕胥清魚蓋皆實之南俎其北俎則以盛

匕清而與之相間以送焉。

卒升。卒已也。已載尸羊俎。士讓按此承司馬

薦豆邊之時。司馬卽杞載尸羊俎而卒升。

矣。其侑主人主婦之俎當相繼而序升之。賓長

設羊俎于豆南。賓長上賓也。設自賓長。賓降尸

升筵自西方。上讓按升自西方。如鄉飲酒之賓。坐左執爵。右取

韭菹。煨干三豆。祭于豆閒。尸取麇黃宰夫贊者

取白黑以授尸。尸受兼祭于豆祭。以上尸祭豆

氏曰。上經尸拜受爵復位。尸爵猶右手執之。未

奠也。主婦設薦賓長設俎。于是口乃升筵。斯須

之閒耳。以堂上薦豆饌堂下牀載事可並行也。雍人授次賓疏匕與俎。

受于鼎西。左手執俎左廉縮之。卻右手執匕枋

縮于俎上。以東面受于羊鼎之西。司馬在羊鼎

之東。二手執挑匕枋以挹清。注于疏匕。若是者

三。疏匕與俎有羊俎西之比者也。匕清先于肉

清。故用上俎蓋之。雍人陳俎時。俎西縮。疏匕

縮俎西枋。而此左手執左廉。卻右手執匕枋。以

受清。是身當俎下端也。然則凡縮俎者。皆當其

下端矣。左手執俎左廉。乃縮之。是授受時皆橫

執俎也。縮執俎以受于鼎西者。惟此與禾匕清

耳。二匕皆有淺升狀如飯簋。而挑長枋可以抒

物于器中者。注猶寫也。二手執之。敬其事不游

手也。士讓按昏禮大羹清在羹，尚熱也。此清

雖已在鼎，遠于羹，然其挹之，亦臨嘗食方取之

挹之三者，禮以三為成也。以挑匕

注于疏匕，則挑匕小，疏匕大，可知。尸興，左執爵，

右取肺，坐祭之。祭酒，興，左執爵。肺，羊次賓縮執

匕俎以升。若是以授尸，尸卻手受匕枋，坐祭，齊

之。興，覆手以授賓。賓亦覆手以受，縮匕于俎上

以降。此尸嘗匕中羊清也。必嘗之，尚味也。清不

祭，此祭之，重在俎也。敖氏繼公曰：若是

者，謂執匕俎之儀，無變也。卻手受匕枋，則匕內

向，而便于用。覆手以授賓，明其變于有事之時。

次賓亦覆手以尸席末坐啐酒，興，坐奠爵拜告

受，統于尊者也。

占執爵以興主人北面于東楹東答拜。

上篇正祭尸不

啐奠不告旨。大夫之禮尸稱尊也。此饋尸則賓道矣。故啐奠告旨也。不降筵者尚有後事。主人北面于東楹東是復位也。士讓按特牲尸告

旨主人拜尸答拜此尸先拜主人答拜者彼正

祭尸尊此饋尸卑同于賓禮也。鄉飲

酒鄉射禮皆先拜而後告旨亦此意。司馬蓋羊

肉清縮執俎尸坐奠爵興取肺坐絕祭嘑之興

反加于俎司馬縮奠俎于羊清俎南乃載于羊

俎卒載俎縮執俎以降。

此卽尸之加俎也。絕祭

使次賓此肉清使司馬大夫禮多崇敬也。士

讓按此乃以實俎奉而進遂將肉清益載之于

羊俎。而以處俎降也。縮奠俎于羊清。  
俎南之清字。楊氏敖氏皆以為衍文。尸坐執爵。

以興。次賓羞羊燔。縮執俎。縮一燔于俎上。鹽在

右。尸左執爵。受燔。換于鹽。坐振祭。嚼之。興。加于

羊俎。賓縮執俎以降。  
燔炙也。室中之事無燔從。故此與亞獻用之。泊郵

吳氏曰。燔別以俎實之。而陳于東塾。舊說以羞羊燔。亦用羊清之俎。誤。尸降筵。北

面于西楹西。坐卒爵。執爵以興。坐奠爵。拜。執爵

以興。主人北面于東楹東。答拜。主人受爵。尸升

筵。立于筵末。  
筵末。即席西。亦當東南面。士獻。按。自主人獻尸。從獻備有五節。其

卷之四 有司徹 三

一爲豆邊矣。而正俎以羊，匕清以羊，肉清以羊，燔以羊，四者皆少牢之餘，所以尊尸也。若侑則降于尸，無羊匕清，羊肉清矣。主人受酢，從獻與尸五節同，亦尊故也。主婦從獻者，惟三。此其差也。

### 右主人獻尸

主人酌獻侑。侑西楹西，北面拜受爵。主人在其右，北面答拜。獻侑于席前西南面。不洗者，承上必更洗也。主人就右首，侑卑不得專階。主婦薦韭菹醯，坐奠于筵前。醯在南方。婦贊者執二邊醴，贊以授主婦。主



婦不興受之。奠醴于醢南。黃在醴東。主婦入于

房。

醢在南是豆北上也。豆北上者以席南上也。生人席豆相變之法於此見矣。兩邊兩豆同

則設故不必親取。邠升筵自北方。司馬橫執羊俎以升。

設于豆東。

正俎皆橫執此乃明言之者以司馬進之嫌亦縮執也。南不可並于尸猶

主婦不可並于主人故正俎皆司馬設之。士讓按侑筵在西序東面而升筵自北方與鄉飲

酒介

禮同。邠坐左執爵右取菹楨于醢祭于豆閒。又

取醴黃同祭于豆祭興左執爵右取肺坐祭之。

祭酒興左執爵次賓羞羊燔如尸禮。

上禮尸嗜酒乃啐酒

此無病則不宜啐。

侑降筵自北方。北面于西楹西。坐卒

爵。執爵以興。坐奠爵拜。主人答拜。

答拜于侑之右。士讓按

立侑以輔尸。非爲饋侑也。故其禮遠下。尸以特伸敬尸之意。且禮如介。又不純如介。介降席自南方。侑則降自北方也。

### 右主人獻侑

尸受侑爵降洗。侑降立于西階西。東面。主人降自阼階。辭洗。尸坐奠爵于篚。興對。卒洗。主人升。尸升自西階。主人拜洗。尸北面于西楹西。坐奠

爵答拜。降盥。主人降。尸辭。主人對。卒盥。主人升。

尸升。坐取爵酌。此尸將酢主人也。儀畧與鄉飲酒同。有不升。辟酢禮也。司

宮設席于東序西面。主人東楹東。北面拜受爵。

尸西楹西。北面答拜。席爲主人設之。特牲及不

附卽設者。備尸而主人益尊也。既設席。尸乃

于席前東南面酢主人。主人拜受爵。復位。主

婦薦韭菹醢。坐奠于筵前。菹在北方。婦贊者執

二邊麴蕡。主婦不興受。設麴于菹西北。蕡在麴

西。主人升筵自北方。主婦入于房。設籩于菹西北。亦辟銅也。

主人之席亦南上而蒞在北方。豆席相變之法，愈可見矣。士讓按尸升筵在設俎後，脩不待設而升，尊卑之異也。脩升筵在主婦入後，主人不待入而升，主人禮較脩又彌質者，賓主之異也。長賓設羊俎于豆西，主人坐，左執爵，祭豆籩，如脩之祭，興，左執爵，右取肺，坐祭之，祭酒，興，次賓羞匕涪，如尸禮。席末坐啐酒，執爵以興。司馬羞羊肉涪，縮執俎。主人坐奠爵于左，興，受肺，坐絕祭，嚼之，興，反加于涪俎。司馬縮奠涪俎于羊俎西，乃載之。卒載，縮執盧俎以降。祭酒興亦左執爵乃受匕

涪。奠爵于左。辟肉涪俎也。言虛俎者。見盡載于

羊俎。無所釋也。望溪方氏曰。主人之俎實。一

與尸同。何也。祖考或士庶人。而得用少牢。皆由

君賜。故主人之俎。不可加損。而薦俎之人。亦不

可異同也。士讓按。先言取肺。羊正俎。主人坐

之。祭肺也。後言受肺。羊清俎之。齊肺也。主人坐

取爵以興。次賓羞燔。主人受如尸禮。燔。羊燔也。主人

降筵自北方。士讓按。升降之方。與侑俱同。北面于阼階上坐。

卒爵。執爵以興。坐奠爵拜。執爵以興。尸西楹西

答拜。主人坐奠爵于東序南。不降奠于簠。急崇酒于尸及侑。侑

升尸侑皆北面于西楹西。知主人將與為禮。主人北面

升尸侑皆北面于西楹西。知主人將與為禮。主人北面

于東楹東再拜崇酒。

崇重也。謂崇重已物。不嫌其薄而飲。故拜謝之。

尸

侑皆答再拜主人及尸侑皆升就筵。

士讓按尸酢主人爵。

受之于侑。則侑雖不酬亦致酢意。故主人崇酒。侑從尸亦答拜。恐煩主人更拜已也。

右主人受尸酢。

三禮館議尸酢主人正祭惟按祭而已。其儀質而簡故畧。

賓尸其儀文而繁故詳。質而簡者神之也。文而繁者人之也。凡賓尸之異於正祭者皆同此義。故郊特牲鄭注云。祭禮簡而事尸禮大。

司宮取爵于篚以授婦贊者于房東以授主婦。

房東房戶外之東。

士讓按男女惟喪祭可相授器而大夫之主婦尊也。故其爵司宮先取以

授婦贊者。因以授主婦也。然婦贊之受亦以篚。無篚則奠而後取之。文不具耳。主婦洗

于房中出。實爵。尊南西面。拜獻尸。尸拜于筵上。

受。

疏云賓主獻酢無筵上受法。今筵上受者以婦人所獻不行賓主之禮故不得各就其階

也。敖氏云以其授于主人且因室中之禮也。士讓按二說相兼乃備。

主婦西面

于主人之席北。拜送爵。入于房。取一羊釂。坐奠

于韭菹西。主婦贊者執豕釂以從。主婦不興受。

設于羊釂之西。興入于房。取糗與臠修。執以出。

坐設之。糗在黃西。修在白西。興立于主人席北。

西面。

主人席北。此時主婦堂上之正位也。飲酒

之脯。

糗與修雜用。饋食之邊也。士讓按少牢

主婦亞獻。

尸于主人之北。室中席北也。此所謂

席北也。

尸坐左執爵祭糗修同祭于豆祭。

此于

云尸坐是受爵時立也。

糗修之

祭當如下文作取。蓋字誤也。

以羊鉶之枲扱

祭于豆祭。

羊鉶遂以挹豕鉶。

祭于豆祭。

祭酒。羊統

豕匕清如羊匕清之禮。

如其左手執俎左廉以

羊匕清之俎。其匕則殊。乃向之

覆于羊俎西之南俎之上者也。

尸坐啐酒左執

爵嘗上鉶。

執爵以興坐奠爵拜。主婦答拜。執



爵以興。

此嘗釗拜也。不告旨，異于主人也。

司士羞豕脰。尸坐奠

爵。興受如羊肉。清之禮。坐取爵興。次賓羞豕燔。

尸左執爵。受燔如羊燔之禮。坐卒爵拜。主婦答

拜。受爵。

受爵亦于其席。

右主婦亞獻尸。

士讓按上章所尚在羊。以羊乃少牢正禮。大夫尚之。此主

婦所尚。多在豕。豕亞于羊。所以為亞獻也。然兩釗親取。必以羊居先。其別有糗與修者。則

主婦所有事者也。

酌獻侑。侑拜受爵。主婦主人之北。西面答拜。

獻者。

儀禮

卷十七

有司

司

主婦也。亦拜于筵。主婦羞糗修。坐奠糗于饔南。

上受。北亦席之北。脩在黃南。侑坐左執爵。取糗修兼祭于豆祭。

殺也。故亦不祭酒。司士縮執豕脰以升。侑興取肺坐祭。

之。司士縮奠豕脰于羊俎之東。載于羊俎。卒乃

縮執俎以降。侑興。次賓羞豕燔。

侑受如尸禮。坐卒爵拜。主婦答拜受爵。

羊燔之禮。

右主婦獻侑

酌以致于主人。主人筵上拜受爵。主婦北面于

阼階上答拜。

筵上受、因尸禮也。拜于阼階上、辟併敬尸侑。其北面、則敬室中之儀。

不俠拜者、辟獻尸之禮。望溪方氏曰、主婦獻

尸侑、皆拜送爵于主人之席北。婦人與男子為

禮、必依其夫也。致爵于主人、而就主人之席、則

以狎近為獻。故特著阼階之位。士讓按阼階

主人位、主婦亦答拜于此者、夫婦一體也。昏禮

舅姑饗婦時、婦降自阼階。蓋已授以代姑任事

之義矣、則答拜主婦設二鉶與糗修、如尸禮。主

婦設二鉶與糗修、如尸禮。主

人共祭糗修。祭鉶、祭酒、受豕匕消、拜啐酒、皆如

尸禮。嘗鉶不拜。

拜字衍。皆如尸禮、異者不告旨。設二鉶、羊在菹北、豕在羊北。設

模修模在起

北修在黃北其受豕胛受豕燔亦如尸禮坐卒

爵拜主婦北面答拜受爵

士讓按特性三獻後乃致爵此亞獻後即

致爵亦

其異也

### 右主婦致爵于主人

尸降筵受主婦爵以降

將酢主婦也望溪方氏曰此主婦致主人之

爵也而尸受之又不用以酢主婦何也雖承獻

侑以致主人而本獻尸之爵故主人及侑雖與

尸同降而不敢受爵尸獨受之以終前禮

而後易爵以彰其別所以別嫌而明微也

主人

降侑降主婦入于房

侑主人降從尸也主婦入于房尸降爲已宜辟之也

士讓按尸之降，為洗爵以酢主婦也。主婦若

辭洗，則宜降階。婦人祭事止于堂階，故入于房

以辟

之。

主人立于洗東北西面，侑東面于西階西

南。

俟尸洗。

尸易爵于篚。

男女不相襲爵。

盥洗爵，主人揖尸

侑。

將升。

望溪方氏曰：主人從降，代主婦以禮于尸也。辭洗禮宜親之。主人不得代辭，故待

洗畢，揖尸

伯以升。

主人升尸，升自西階，侑從。主人北面

立于東楹東，侑西楹西，北面立。

俟尸酌。

主婦

出于房，西面拜受爵。尸北面于侑東，答拜。主婦

入于房。

西面，亦于主人之席北。尸亦就此位酢之。望溪方氏曰：會尸之酌，則自出。男

女相為禮、不親相與言。亦不用使人致辭、按節

以赴而已。即不辭洗而入于房、以辟之義也。

士讓按主婦出者、會尸之酌而出為節。司宮設

也。主婦入者、席在房中、宜成禮於內也。

席于房中、南面。主婦立于席西。

設席者、主婦尊。立于席西者、西

為末。婦贊者薦韭菹、醢坐奠于筵前。菹在西方。婦

人贊者執醢、黃以授婦贊者。婦贊者不興、受、設

醢于菹西。黃在醢南。

婦人贊者、宗婦之少者。

主婦升筵、司

馬設羊俎于豆南。主婦坐、左執爵。右取菹、揔于

醢、祭于豆閒。又取醢、黃兼祭于豆。祭。主婦奠爵。

興取肺、坐絕祭、嚼之。興加于俎。坐挽手祭酒啐。

酒。

挽手于佩巾。內則。婦人左佩粉帨。

次賓羞羊燔。主婦興受燔。

如主人之禮。主婦執爵以出于房。西面于主人

席北立卒爵。執爵拜。

出房立卒爵。宜鄉尊者。不坐。變於主人。執爵拜。變於

男子也。

尸西楹西北面答拜。主婦入立于房。尸主

人及侑皆就筵。

以上亞獻之酢畢。

右尸酢主婦。

賈氏公彥曰。主婦受從與侑同三。主人受從與尸同五。尊卑之

差也。

三禮館議。特牲主人主婦交致爵。皆

酢。賓又致爵于主人主婦。皆自酢。此直有主

婦致爵于主人、又不酢、何也。凡獻酢之節、有主有從。主獻者酢、而從獻者不酢。此主婦獻尸、而因以致爵于主人、則主人固在從獻之列、無由而酢主婦矣。特牲主人主婦交致交酢、在三獻爵止之後、自相酬答。此在主婦獻尸爵內、以主婦爲之始終、則主人更不得而致爵于主婦矣。主人既不致爵于主婦、則賓亦不得而致爵于主婦矣。故主婦惟受尸酢、而其餘則否。

上賓洗爵以升、酌獻尸。尸拜受爵。賓西楹西北

面拜送爵。尸奠爵于薦左。賓降。

上賓賓長也。又謂之長賓。奠爵

爵止。特牲禮、尸在室內、始行三獻、未行致爵、尸奠爵、欲神惠均于室。此少牢賓尸禮、室內已行



三獻。至此主婦又已致爵于主人訖。賓尸又在堂。故爵止者。欲得神之惠均于庭。俟遍獻乃舉。與特牲正祭異也。不奠于右。敖氏謂恐妨往來及行禮也。理或然。

### 右三獻尸奠爵

主人降洗解尸。侑降。主人奠爵于篚。辭尸對。卒

洗。揖尸升。侑不升。

侑不升。尸禮益殺。故不從。又以酬禮不及已。升嫌也。特牲

尸無酬。此酬者。尸為賓故也。

主人實解酬尸。東楹東北面坐。

奠爵拜。尸西楹西北面答拜。坐祭。遂飲。卒爵拜。

尸答拜。降洗。尸降辭。主人奠爵于篚。對。卒洗。主

人升尸升。主人實觶。尸拜受爵。主人反位答拜。

尸北面坐奠爵于薦左。尸侑主人皆升筵。侑升堂之

節其在尸奠爵之時乎。此尸所奠之觶及下經

侑所奠之觶皆不舉。士讓按上尸奠賓所獻

爵于薦左。此又奠主人所酬者于薦左。則此當

在少南而先奠者在此。經例凡酬爵皆酬者自

奠于薦右受酬者重奠于薦左而無

授受之節。此經言受爵大夫禮異也。

右主人酬尸。主人于尸止爵後即舉爵酬尸者宜終尸禮乃可以獻助祭者

也。

乃羞。宰夫羞房中之羞于尸侑主人主婦皆右

之。司士羞庶羞于尸，侑主人主婦，皆左之。二羞所以

盡歡心也。房中之羞，內羞也。其邁則糗餌粉羞。其豆則醢食，糝食也。庶羞，則醢醢也。內羞在右，穀物屬陰，庶羞在左，牲物屬陽也。敖氏繼公曰：房中之羞，饌于房者也。言房中之羞，明庶羞不自房來也。

右羞。泊邨吳氏曰：上篇載醢在左，故此庶羞亦在豆左，此經上文糗修在右，故此內羞亦在邊右。

主人降，南面，拜衆賓于門東，三拜。衆賓門東北面，皆答壹拜。拜于門東，明少南就之也。三拜，旅之也。泊邨吳氏曰：三拜衆賓，衆

賓皆答壹拜。鄉飲酒，鄉射，特性禮皆然。不專以大夫尊而衆賓賤也。衆賓亦不必皆臣士與公。有司亦當有焉。位則俱在門東，以西方爲尸侑之位，故助祭者初皆位于東。蓋尸侑受賓禮者也。主人以下至助祭諸人，則皆賓之者也。三禮館議自此至主人就筵，皆主人酌獻庭中房中之事。所謂均神惠也。凡七節。主人洗爵，長賓辭。主人奠爵于

篚，興對卒洗，升酌獻賓于西階上。長賓升拜受

爵。主人在其右，北面答拜。宰夫自東房薦脯醢。

醢在西。司士設俎于豆北。羊醢一，腸一，胃一切。

肺一，膚一。

長賓辭亦北面。蓋於門東少進也。主人已酌，長賓乃升，遠下尸也。羊醢左。

骼。上賓一體。又無脊者。遠別于堂上者也。肺繼胃言之。羊肺可知。薦與設俎者。既則俟于西序端。

賓坐左執爵。右取脯。換于醢。祭之。執爵興。取肺坐祭之。祭酒。遂飲卒爵。執以興。坐奠爵拜。執爵以興。主人答拜。受爵。賓坐取祭以降。西面坐。

委于西階西南。

成祭于上。尊賓也。取祭以降。以已所有事也。宜親執之。西階西

南。賓之正位。已獻乃立此。尊之禮。節彌文也。取祭降委此。祭兼脯肺。宰夫執薦以

從。設于祭東。司士執俎以從。設于薦東。

從之降。設。設薦

祭東。則是凡祭于豆閒。乃當其閒之前耳。此獻長賓而宰夫司士薦。則自此以下。皆私人爲之。

明矣

右主人獻長賓

衆賓長升、拜受爵。主人答拜。坐祭、立飲卒爵。不

拜既爵。

衆賓長升、以次升受獻也。

宰夫贊主人酌。若是以辯。

主人立于西階上，宰夫既酌于尊，乃就而授之。若是以辯，謂皆如衆賓長升拜受爵以下之儀。

必宰夫贊主人

辯受爵。其薦脯醢與胾，設于其

酌，大夫尊也。

位。其位繼上賓而南，皆東面。其胾體儀也。

下經言獻

兄弟之儀，云升受爵，其薦胾設于其位。然則此薦胾亦于每獻設之也。亦宰夫薦司士胾儀者。

尊體盡儀度餘骨可用而用之。亦有切肺膚。

泊邨吳氏曰衆賓所以收位于西相繼而南者

與兄弟各為班

乃可旅酬也。

乃升長賓主人酌酢于長賓西

階上北面賓在左。

升長賓者其宗人與。

泊邨

賓皆自酢。然則注謂賓卑非也。特牲承室事故

獻賓長即自酢乃獻衆賓。此皆堂事故獻辯乃

酢與主人獻尸侑而

後尸酢主人一也。

主人坐奠爵拜執爵以興。

賓答拜。坐祭遂飲卒爵。執爵以興。坐奠爵拜。賓

答拜。賓降。

賓降反位。則主人亦就席。

望溪方

氏曰凡自酢義非一端。有尊其人不  
敢使酢已者主婦致爵于主人而自酢是也。有  
如其禮以答之而不宜有異同者主人致爵于

儀禮糾解

卷十七

有司制

話

主婦是也。有與衆人同得獻、一人不敢專酢獻者、探其意而自酢、特牲賓獻祝佐食、致爵于主人、主婦而自酢、此經主人獻衆賓、升長賓、而自酢、是也。

右辯獻衆賓主人自酢

宰夫洗解以升。主人受、酌、降酬長賓于西階南。北面。賓在左。主人坐奠爵拜。賓答拜。坐祭、遂飲。卒爵、拜。賓答拜。宰夫授主人解、則受其虛爵奠于篚。望溪方氏曰、特牲尊兩壺于阼階東、少牢則皆升酌、何也。士禮質、故設尊于階下以取便。大夫禮文、故升酌于堂上以爲榮。且天子之禮、獻尊外、別有罍爲諸臣之所酢。諸侯亦宜然。故大夫不敢與之同。士則無嫌。



主人洗賓辭。主人坐奠爵于篚，對卒洗，升酌降。  
復位。賓拜受爵，主人拜送爵。賓西面坐，奠爵于  
薦左。位，西階南之位。奠薦左，後舉之為無算爵。亦不奠薦右，則敖氏恐妨往來之說，其信。

### 右主人酬賓賓奠

主人洗，升酌獻兄弟于阼階上。兄弟之長升拜  
受爵。主人在其右答拜。坐祭立飲，不拜既爵，皆  
若是以辯。長幼立飲不殊者，大夫貴而兄弟賤，不別之也。必親酌，不使贊酌者，兄弟以親昵來，不以官待之。士讓按助祭之兄弟，雖不皆有爵，未必盡卑於衆賓，所以獻後於賓。

者。主人之義應爾也。故氏謂獻兄弟及內賓。主人惟於其長者親酌。辯受爵。其位在洗東西面北上。升受爵。其薦胥設于其位。者薦皆使私人。泊邨吳氏曰。兄弟位本應繼主人而南。與特牲同。以賓位在門東北。故不可直繼主人。而退于洗東。所以讓賓也。其先生之胥折胥一膚一其衆儀也。先生長兄弟也。折豕左肩之折。其衆則儀亦以此別長幼也。

### 右主人獻兄弟

主人洗。獻內賓于房中。南面拜受爵。主人南面于其右答拜。內賓。姑姊妹及宗婦也。獻于主婦之席東。主人不西面。尊不與爲賓。

主之禮。南面于其右。主人之位恆右。敖氏繼公曰。獻之。蓋東北面。受送之拜皆南面。猶堂上之皆北面也。坐祭立飲。不拜既爵。若是以辯。亦有薦設于其位。齊。

### 右主人獻內賓

主人降洗。升獻私人于阼階上。拜于下。升受。主人答其長拜。乃降。坐祭立飲。不拜既爵。若是以辯。宰夫贊主人酌。主人於其羣。私人不答拜。其位繼兄弟之南。亦北上。亦有薦齊。主人就筵。私人

家臣已所自謁除者。獻亦西南面于東楹東而拜於其右。私人賤故但答其長拜以殊之。以是推之。自私人而外。無有不答拜者矣。位言繼者。以爵既獻而後位定。未獻時位在衆賓後。望溪方氏曰。此所謂治家者不敢忽于臣妾也。故平時能得人之歡心。以事其親。而臨難則死其長。先王以祀禮教故。則民不苟。當于此類求之。

### 右主人獻私人

士讓按凡與於禮者皆為禮所及。飲射禮及工與筮射禮

及獲者釋獲者燕禮大射及左右正內小臣等無或遺也。況祭尤為恩意流通豈以貴賤而隔之。

### 尸作三獻之爵

此卽上賓三獻尸尸奠未舉者。特性止爵乃三獻作之。此尸自

作之何也。饋尸而尸以賓道自處也。不饋尸禮亦然。司士羞清魚。縮執俎以升。尸取膾祭。祭之。祭酒卒爵。云清魚者魚在清中。及其羞之也。用魚而不用匕。清。畧小味也。司士縮奠俎于羊俎南。橫載于羊俎。卒。乃縮執俎以降。尸奠爵拜。三獻北面答拜受爵。橫載者與牲禮同也。正俎之實已多。又加以益送之俎。故載魚于此。不得象其在魚俎也。士讓按此終上文尸奠未舉一節禮。敖氏云。尸既卒爵。乃執虛爵以待執俎者降。而後奠爵拜。

## 右尸作止爵

酌獻侑。侑拜受。三獻北面答拜。司馬羞滂魚一。

如尸禮。卒爵拜。三獻答拜受爵。

司馬當作司士。字之誤也。

酌

致主人。主人拜受爵。三獻東楹東北面答拜。司

士羞一滂魚。如尸禮。卒爵拜。三獻答拜受爵。

賓拜

於東楹東。以與主人為禮。就近其席。不敢獨拜於西階上。辟尸也。不致爵于主婦。亦變于不饋尸禮。士讓按饋尸三鼎。羊為上鼎。故主人初獻時羞之。而未及豕也。豕為中鼎。故主婦亞獻時羞之。而未及魚也。魚為下鼎。故賓三獻之節。方及魚。是其差也。

右。上賓獻侑致爵主人

尸降筵受三獻爵酌以酢之。

尸代酌以酢賓也。望溪方氏曰：特

牲賓獻祝佐食致爵于主人主婦自酢。此尸酢之何也。特牲尸已酢賓故祝佐食主人主婦不敢專酢而賓因自酢以達其意。此則尸卒爵後尚未酢賓故俟賓獻侑致爵于主人而後酢焉。祝佐食義不得相統尸酢則義足以統主人與侑矣。蓋正祭尸已酢賓儻尸再酢所以禮于賓者備矣。故可退卒爵後之酢于後以統侑與主人也。士讓按尸見賓既致爵主人而受其虛爵矣。故會賓之意酢之以答賓獻也。其前此作三獻爵既卒爵不卽酢之者以賓方獻侑及致爵主人嫌

三獻西楹西北面拜受爵尸在其右

開之也。  
以授之尸升筵南面答拜坐祭遂飲卒爵拜尸

答拜。執爵以降實于篚。

尸在其右。鉅授也。同授而不同面拜。遠辟主人

獻賓之禮也。

右尸酢上賓

二人洗觶。升實爵。西楹西北面東上。坐奠爵拜。

執爵以興。尸侑答拜。坐祭。遂飲卒爵。執爵以興。

坐奠爵拜。尸侑答拜。皆降。

三獻而禮小成矣。復使二人舉觶為加爵。

以序殷勤於尸及侑也。然鄉飲酒鄉射特牲等皆一人舉觶為旅酬始。二人舉觶為無算爵始。今儼尸以二人為旅酬始。何也。一以為尸。一以為侑也。

洗。升酌。反位。尸侑



皆拜受爵。舉觶者皆拜送。侑奠觶于右。

反位于西楹西

俟拜也。奠右亦由便耳。右，棟南。

士讓按主人

雖併敬侑而侑不敢並于尸，故不舉。緣是只用

尸一爵，酬于下。

右二人舉觶

泊邨吳氏曰：二人，蓋皆賓之弟子。以舉觶于尸侑，故不用兄弟

之弟子。而堂上位在西楹西也。尸侑皆降，因主人酬尸之禮，但不辭洗耳。於賤者舉觶，亦不安于上位，敬也。

尸遂執觶以興，北面于阼階上，酬主人。主人在

右。尸未嘗就阼階，此因行酬而禮殺。坐奠爵拜。主人答拜。不祭。

立飲卒爵。不拜既爵。酌就于阼階上酬主人。主

人拜受爵。尸拜送。尸就筵。

言酌就者主人立待之。以上尸行旅酬爵

及主人。主人以酬侑于西楹西。侑在左。坐奠爵拜。

執爵興。侑答拜。不祭。立飲卒爵。不拜既爵。

此主人飲

以導

酌復位。侑拜受。主人拜送。主人復筵。

云酌復位

明授于西楹西。以上主人酬侑之禮明。

乃升長賓。侑酬之。如主人

之禮。至于衆賓。遂及兄弟。亦如之。皆飲于上。

西階

之遂及私人。拜受者升受。下飲。

私人之長拜于下。升受兄弟之

爵下。卒爵，升酌以之，其位相酬。辯。卒飲者，實爵

于篚。

其位兄弟南位。亦拜受拜送。升酌由西階。卒飲者，後無人可旅，故自飲。遂實爵不用。

右旅酬。

士讓按衆賓兄弟飲于上。私人飲于下。酬必逮者，惠均也。位上下者，分殊

也。

乃羞庶羞于賓兄弟內賓及私人。

無房中之羞。禮殺也。此羞

同時羞，則兄弟酌以相酬之時，房中亦旅。士讓按內賓宗婦，必以主婦分主之。故獻內賓宗婦之饌，雖統自主人，而旅酬于房中，主以主婦亦相助之義也。

右羞。

兄弟之後生者舉觶於其長。後生、年少者。洗、升、酌、降、

北面立于阼階南。長在左，坐奠爵拜。執爵以興。

長答拜。後生舉觶與主人酬賓之儀，畧同。似有爲主人酬長兄弟之意。故位如主人，而

長在左。坐祭，遂飲卒爵。執爵以興，坐奠爵拜。執爵

以興。長答拜。洗、升、酌、降。長拜受于其位。舉爵者

東面答拜。爵止。拜受答拜，不比面者。禮殺。爵止者，止亦奠也。上文主人酬賓，奠

于薦左。此舉爵者止而未行。一例也。及後行之，却相待同時爲無算爵。

右兄弟舉觶于長兄弟

賓長獻于尸如初。無清爵不止。賓長次上賓者如初者如其獻

侑酌致主人受尸酢也。特牲長兄弟于三獻之後洗觶為加爵。此節與之同。器宜同也。上篇實觶于篚其為此用與不言者文省耳。不使兄弟不稱加爵禮異也。清清魚爵不止者尸即飲之也。  
賓一人舉爵于尸如初亦遂之于下。一人又

者舉爵即舉解也。如初如二人舉解于尸侑之儀為旅酬始也。其異者不及侑耳。亦者亦上文尸酬主人以下之禮。

### 右賓長加獻次賓舉爵于尸旅酬

賓及兄弟交錯其酬皆遂及私人。爵無算。長賓取主

人所酬賓奠薦左之解以酬兄弟之黨而長兄弟取後生者所酌之解止而未行以酬賓之黨惟已所欲無有次第之數也敖氏繼公曰堂上不行無算爵者此雖變于祭禮然尸猶有餘尊不宜無所別異無算爵之儀太簡不崇敬泊邨吳氏曰尸既與于堂上之旅酬而賓長復加獻賓一人又舉爵于尸者以尸不得與于堂下之無算爵故先為尸致其慇懃也旅酬時堂上之堂下不交不錯是為正酬乃直行至得行無算乃有交酬有錯酬交酬者長賓與長兄弟次賓與次兄弟衆賓與衆兄弟東西往來所謂交也至錯酬則隨其量之能勝與情之風洽而相酬如注所云殆于不醉無歸矣故云交錯

右堂下無算爵

尸出。侑從。主人送于廟門之外。拜。尸不顧。拜。侑

與長賓亦如之。衆賓從。送尸于廟門外。賓之也。從者不拜送也。司

士歸尸。侑之俎。主人退。有司徹。尊尸俎及侑。故皆歸其俎於家。

主人退。反於寢也。賓長而下。則自徹而投其人

以歸。有司徹者。徹堂上下之薦俎也。賓尸雖堂

上。婦人不徹。故使有司。士讓按上文設尸羊

俎者。賓長也。執羊清俎者。次賓也。羞羊內清俎

者。司馬也。羞羊燔俎者。次賓也。設侑羊俎者。司

馬也。羞羊燔者。次賓也。而歸尸侑之俎。獨使司

士者。司馬尊于司士。卑者宜終之也。是時長賓

與衆賓皆出矣。司士佐主人卒其事。故獨使司

士也。云有司徹。凡主黨之俎亦皆徹。

矣。又凡堂上下几筵器物亦皆徹矣。

矣。又凡堂上下几筵器物亦皆徹矣。

右禮終有司徹

若不賓尸。

自此至終篇皆言不賓尸之事。從尸

此祝侑終之也。

敖以繼公曰此下之禮視賓

尸者爲少質。則是制禮之序。此先彼後。如冠禮

之醺與醴者然也。而上下篇以賓尸者爲主。至

是乃更端言不賓尸者。周禮尙文。抑又可見。

泊邨吳氏曰正祭在室。主於嚴敬。賓尸在堂。則

有懽欣之情。若不賓尸。則尸未出室。猶全乎神。

仍于室中行事。而凡禮儀卒度。於懽欣之中。多

嚴敬之意。大抵與特牲後半相類。而無嗣舉奠

以辟國君故耳。蔡氏宸錫曰不賓尸。注屬之

下大夫。似泥。同一大夫也。舉盛祭則有賓尸。稍

殺則不賓尸。誰曰不可。禴祠烝嘗。四時之祭。殊

名。則典禮不必盡同。亦可見矣。士讓按經通



例凡禮有異同者皆附于篇後。讀者惟於少牢篇尸飲七以上見其同。而此祝侑尸八飯以下求其同異。庶有以得之。

### 右不賓尸

則祝侑亦如之。

謂尸七飯時祝西面于主人之南。獨侑不拜。侑曰皇尸未實。侑

是也。尸食。

八飯時也。自此以下與饋尸有異同。

乃盛俎。臠臂。臠臠脊。

橫脊。短脅。代脅。皆牢。

盛者盛於所俎。為敬尸也。凡七體皆兼羊豕者。故云

牢。其脊脅但取一骨而無正脊正脅。酪

魚七。

者以前已舉之。惟肩尚未舉。見下文。

有五而俎者。前已舉其一矣。今盛其半數而已。蔡氏宸錫曰。魚盛七者。為俎釋三个。俎實必

饌禮訓解

卷十七

有司徹

重

奇數。故盛其。半而止也。腊辭，無髀。亦盛半也。所盛皆在體。

純而俎。卒盛，乃舉牢肩。舉七也。肩，體之終而前。

嫌有之。士讓按據承少牢篇來，前此所舉牢肺正脊。

牢幹魚腊肩牢髀，至此舉牢肩，合為七舉也。或

數為五體者，除魚腊言也。或數為四體者，別肺

為內體言也。四體中，脊幹髀肩為序。特牲注所

謂自上而却。尸受振祭，齊之佐食，受加于所佐。

下終而前也。食取一俎于堂下，以入奠于羊俎東。魚俎東也。

當作魚。乃撫于魚腊俎，俎釋三个。撫，取之也。个，

字之胡。猶枚也。釋遺

之也。魚七，撫四而釋三。腊八，撫五而釋三。蓋短

脅正脅代脅也。所釋魚腊，為改饌西北隅用之。

其餘皆取之。實于一俎以出。出于室也。祝主人之魚

腊。取于是。取于是者。主人主婦之魚腊。及祝之魚也。不言主婦者。或文脫耳。泊卯

吳氏曰。少牢正祭。主人主婦不設俎。至賓尸。減

五鼎為三鼎。則腊不用。而以魚為益送之俎。賓

尸無祝。而有侑。侑主人主婦皆有魚俎。為之益

送焉。此不賓尸。則無益送之魚。故於此即分尸

俎之魚。以入于主人主婦之俎。所以見雖不賓

尸。而此禮實自賓尸而殺也。既取魚。亦兼取腊。

主人主婦既有魚腊。則祝俎雖已有腊。亦當益

之以魚。以其與賓尸之侑差類也。此視賓尸之

禮為殺。而比特牲則隆矣。知祝之腊不取。尸不

于是者。祝俎腊兩脾屬于尻。已見于經矣。尸不

飯。告飽。主人拜侑。不言尸又三飯。大夫禮至此

凡十一飯也。

泊卯吳氏曰大夫十一飯不分命數。則賓尸不賓尸不分上下大夫可知。佐食受牢舉如儻。謂肺脊也。士讓按少牢舉肺脊加肺時乃室中行事去儻尸時尚早。經乃云如儻者謂如其有儻尸之禮耳。後凡言如儻者放此。

### 右尸食

主人洗酌醕尸。賓羞肝。皆如儻禮。卒爵主人拜。祝受尸爵。尸答拜。祝酌授尸。尸以醕主人亦如儻。其綏祭其嘏亦如儻。肝。牢肝也。其獻祝與二佐食其位其薦胥皆如儻。祝之薦胥如儻則牢與腊皆脾明矣。祝於儻亦有肝。

從不言者、與佐食連文、故畧之耳。

### 右主人醕尸尸酢主人獻祝佐食

主婦其洗獻于尸亦如賓。

謂拜送爵以上之禮。

主婦反取

籩于房中。執棗糗坐設之。棗在稷南。糗在棗南。

婦贊者執栗脯。主婦不興受設之。栗在糗東。脯

在棗東。主婦興反位。

棗饋食之籩。糗羞籩之實。雜用之下賓尸也。栗脯加

籩之實也。籩位自左而右。精之變於敦位。反位

反主人之北拜送爵位。士讓按主人無籩從

殺於賓尸之初獻。主婦用四籩隆於

賓尸之亞獻。有所屈有所伸之義也。尸左執爵。

義禮則降。一。有司徹。

取棗粿。祝取栗脯以授尸。尸兼祭于豆祭。祭酒。

啐酒。次賓羞牢燔用俎。鹽在右。尸兼取燔捩于

鹽振祭。嚼之。祝受。加于所。卒爵。主婦拜。祝受。尸

爵。尸答拜。自主婦反取邊至祝受祝易爵洗酌

授尸。尸以醋主婦。主婦主人之北拜受爵。尸答

拜。主婦反位。又拜。上佐食綏祭。如儻。卒爵。拜。尸

答拜。敖氏繼公曰。主婦夾爵拜。為不賓尸。行內

子正禮也。儻則畧之。望溪方氏曰。敖氏

之言是矣。而未盡也。蓋儻禮。主婦拜受爵以入

于房。於尸前重拜。則義無所處。於房中又拜。則

似與薦豆設俎者爲禮。故直至出房卒爵而後拜。不俛尸則進受爵與反位皆在尸前。故義當夾拜。而別爲卒爵之拜耳。泊邨吳氏曰。少牢正祭于室。與賓尸于堂。主婦獻尸皆夾爵拜。可見其爲正禮也。其受尸酢則否。以有兩番獻。故于酢畧之。此不賓尸受酢與獻尸同。亦仍是兩番夾爵拜耳。

### 右主婦獻尸尸酢

主婦獻祝其酌如饋拜坐受爵。主婦主人之北

答拜。

自尸卒爵至此與正祭亞獻祝同。

宰夫薦棗棗坐設棗于

菹西。糗在棗南。祝左執爵取棗糗祭于豆。祭

酒啐酒。次賓羞燭如尸禮卒爵。

內子不驚遽祝賤使官可也。自

宰夫薦至此。亦異于饋。

主婦受爵酌獻二佐食亦如饋主

婦受爵以入于房。

亦不拜既爵。

故氏繼公曰。自此以上如饋者皆在少牢

前篇。

### 右主婦獻祝及佐食

賓長洗爵獻于尸。尸拜受。賓戶西北面答拜。

止。

尸止爵者以三獻禮成。欲神惠均于室中。是以奠而待之。故氏繼公曰。此三獻爵止之

義與特

牲禮同。



右賓長獻尸爵止

主婦洗于房中。酌致于主人。主人拜受。主婦戶

西北面拜送爵。司宮設席。

設席于主人立處之南。拜受乃設席。異于

士。士讓按特牲。主人席于戶內。不著所設席

之人。饋尸主人筵上。拜受爵。其筵之設。在受尸

酢時。司宮設之。此云主婦戶西。主婦薦韭菹醢。

拜送爵。司宮設席。則亦其異者。主婦薦韭菹醢。

坐設于席前。菹在北方。婦贊者執棗糗以從。主

婦不興受。設棗于菹北。糗在棗西。佐食設俎。臂

脊脅肺皆牢。膚三魚一腊臂。

右臂。尸用之。此左臂也。皆牢。合羊豕。

也。凡六體與腊臂而七矣。肺、離肺、魚一、亦橫之。

敖氏繼公曰：脊脅各一骨。脊脅之數皆少者，以俎實多故耳。亦遠下尸也。既設俎，主人乃升。

筵坐，與主婦升筵之節同。士讓按上文云主

人之魚腊取于是。此魚一腊臂。主人左執爵，右

卽上佐食所撫者。設之，亦佐食。主人左執爵，右

取菹，捋于醢，祭于豆閒。遂祭籩，奠爵興，取牢肺，

坐絕祭，嚙之，興加于俎。坐，捋手，祭酒，執爵以興。

坐卒爵拜。此邊祭不贊，且無從與士禮異。主婦答拜，受爵酌以

醋。戶內北面拜。自醋不更爵，殺。主人答拜，卒爵拜。主人

答拜。主婦以爵入于房。自主人醋戶以後，其節大率與特性同。惟主人

不致爵主婦爲異耳。士讓按特牲夫婦交致而  
又自酢此惟主婦致而自酢者主人尊則主  
婦稍降也累而上之至于天子諸侯則夫婦之  
閒愈尊嚴矣至若特牲主婦之俎與少年不賓  
尸主婦之俎所下于主人者惟俎實不同而已  
賓尸主人益送之俎與尸同而主婦止羞羊爓  
者婦人之禮于堂事綬也。

### 右主婦致爵于主人自酢

尸作止爵祭酒卒爵賓拜祝受爵尸答拜。

賓尸作止

爵在獻私人後欲神惠之均于庭此作止爵在主婦致爵後欲神惠之均于室。祝酌授尸賓拜受爵尸拜送坐祭遂飲卒爵拜尸答拜。

此賓卒

尸所酢。

右尸作止爵酢賓

獻祝及二佐食。

賓獻祝，北面拜。獻佐食，西面拜。少牢賓，喪獻不及佐食，將賓尸。

禮殺也。此不

賓尸，故異。

右賓長獻祝佐食

洗致爵于主人。主人席上拜受爵。賓北面答拜。

坐祭，遂飲卒爵，拜。賓答拜受爵。

賓洗者，以承佐食，賤新之。主人

拜于席，亦立受爵。

酌，致爵于主婦。主婦北面。司宮設席。

東面。

東面者，異于士妻。

主婦，席北東面拜受爵，賓西面

答拜。

東面立于席北者，北為下。讓按主人主婦皆有設席文。

士

婦贊者薦

韭菹醢。菹在南方。婦人贊者執棗糗授婦贊者。

婦贊者不興受，設棗于菹南，糗在棗東。

婦人贊者，宗婦

之弟

也。佐食設俎于豆東。羊臠，豕折，羊脊脅，祭肺

一膚，一魚，一腊臠。

豕折，豕折骨也。不言所折，畧之。豕無脊脅，下主人也。羊豕

四體與腊臠而五，亦得奇數。

敖氏繼公曰：下

文取肺絕祭臠之，是離肺，非祭肺也。祭字誤衍。

士讓按上文祝主人之魚腊取于是，脫主婦

字。今此文所云魚一腊臠，是主婦俎亦取于所

儀禮訓解

卷十七 有司徹

跪

撫者無  
疑矣。

主婦升筵坐。左執爵，右取菹，扱于醢，祭

之。祭邊，奠爵，興取肺，坐絕祭，嚼之，興加于俎。坐

執手祭酒，執爵興，筵北東面立，卒爵拜，賓答拜。

立飲拜既，變于丈夫。賓受爵，易爵于篚，洗酌，醋于主人，尸

西北面拜，主人答拜。卒爵拜，主人答拜。賓以爵

降，奠于篚。易爵于篚，下篚也。泊邨吳氏曰：賓尸，主人獻尸，併獻侑，而酢者惟尸。主

人獻賓，併獻衆賓，而酢者惟賓長。蓋酢者，其主于獻之者也。不酢者，以次而連獻之者也。賓致

爵于主人，主婦，主人酢而主婦不酢。又俟其併致于主婦而後主人酢之。正此例也。

右賓長致于主人主婦

乃羞宰夫羞房中之羞。司士羞庶羞于尸祝主

人主婦。內羞在右。庶羞在左。不儻尸則祝猶侑耳。士讓按羞之

各于其筵。尸祝主人之筵在室中。主婦之筵在房中。比堂。儻尸禮羞侑。不儻尸羞于祝。故注云祝猶侑耳。自三獻爵止至此。儀節當與特牲參看。自主人降拜衆賓至無算爵。儀節當與儻尸參看。自利洗爵至禮畢。儀節仍當與特牲參看。立文雖簡。隆殺多寡之分備矣。

右羞

主人降拜衆賓。洗獻衆賓。其薦胾。其位其酬酢。

皆如儗禮。主人洗，獻兄弟與內賓與私人，皆如儗禮。其位，其薦，香皆如儗禮。卒，乃羞于賓兄弟。  
**內賓及私人，辯。**乃羞者，庶羞也。獻畢，卽羞之，亦其節之異于儗者。望溪方氏曰：儗尸旅酬者，再故俟尸與侑舉旅之後，此無尸侑舉旅之節，則獻畢卽羞可矣。士讓按此節文簡而禮括，其儀見上故也。然於此更見由尊而卑，由外而內之義。其先衆賓後兄弟者，祭樂得賓助，故疎先於親耳。內賓、姑姊妹兼宗婦言。姑姊妹外成者，宗婦外娶者，故以賓概之。或自內而外，或自外而內，故曰內。

### 右主人辯獻



賓長獻于尸。尸醕。獻祝致醕。賓以爵降。實于筐。致。致于主人主婦也。不言如初者。爵不止。又不及佐食也。上賓畏已獻尸訖。此是次賓畏爲加爵。士讓按次賓長雖非尊。既同助祭。亦欲一伸其敬。故于禮將終行之。獻加獻也。言致復言酢者。酢于主人也。此一節內。凡有六爵。

### 右次賓獻致

賓兄弟交錯其酬。無算爵。

此兄弟舉解于其長亦當如儔禮。望溪

方氏曰。疏云。不賓尸。闕旅酬。獨行無算爵。非也。經明云。賓兄弟交錯其酬。又曰。無算爵。辭簡而意顯矣。况無算爵。因旅酬而徧推之。蓋由獻而有酢。由獻酢而有酬。由酬而有旅。由旅之爵有

算。以至于爵之無算。若不行旅酬。無由驟行。無算爵也。文從畧者。以已見於特牲少牢也。

### 右旅酬無算爵

利洗爵獻于尸。尸醑。獻祝。祝受。祭酒。啐酒。奠之。利獻不及主人。此亦異於饋。奠之。亦北面奠于筵前也。祭事將畢。其禮漸殺。故祝亦奠而不舉。是亦異于士。

### 右利獻

主人出立于阼階上西面。祝出。立于西階上東面。祝告于主人曰利成。祝入。主人降。立于阼階

東、西面。尸謬祝前，尸從，遂出于廟門。祝反，復位于室中。祝命佐食徹尸俎。佐食乃出尸俎于廟門外，有司受歸之。徹昨薦俎。自主人出至此與儗禮異同者也。先

養徹主人薦俎者，變于士。

### 右尸出

乃養如儗。

如上篇自司宮設對席至上餼興出之儀。

### 右養

卒養，有司官徹饋，饌于室中西北隅南面。如饋

之設。右几。匪用席。

官徹饋者。司馬司士舉俎。宰夫取敦與豆也。改饌于西北。

隅。不令婦人變于始也。尚使官也。

納一尊于室中。

殺禮。無玄酒。

司宮

埽祭。

埽豆閒之祭。舊說云埋之西階東。

右改設。

改設義見特牲。士常祭之外有殤與無後之祭。喪服

泊邛吳氏曰。大夫

小記云。殤與無後者。從祖耐食。若不祭。曾祖則諸父之無後者。於何耐之。此可見士雖一廟。或二廟。而所祭不止祖禰。大夫三廟。而所祭必及高曾也。鄭注云。共其牲物。而宗子主其禮。然則殤與無後之祭。其別日歟。曾子問謂宗子殤。其吉祭特牲。不舉肺。無所俎。無玄酒。不告利成。是謂陰厭。注云。是宗子殤祭之於奧之禮。脫於祭祖禰時耐之。則奧既為祖

禴之所棲不得又爲殤之所棲。且同有牲俎難於陳設也。若禴祭畢更行厭祭則自質明以至晏朝亦云勞矣。尚堪再舉乎。以此推之則宜於祭後之次日舉殤無後之祭。而所謂耐者第於昭穆相當之廟祭之。卽謂之耐。非必同時也。曾子問又云凡殤與無後者祭於宗子之家當室之白。尊於東房。是謂陽厭。意其殤與凡殤並有者並祭之。一設於奧爲陰一設於屋漏爲陽如食間之頃乃徹之歟。若攝主不厭祭則無此矣。無立酒者爲陰厭。又見特牲少牢之初有立酒者之非陰厭也。尊於東房者爲陽厭。又見特牲與不賓尸之未納一尊于室中者之非陽厭也。

主人出立于阼階上西面祝執其俎以出立于

西階上東面司宮闔牖戶。

閉牖與戶或者鬼神尚幽闇。

祝告

利成乃執俎以出于廟門外有司受歸之衆賓

出主人拜送于廟門外乃反。

祝又告利成義見特牲拜送賓者亦

拜送其長。

婦人乃徹。

徹祝之薦及房中薦俎不使有司者與儼尸之禮相

變。徹室中之饌。

室中之饌即改設者也婦人徹此饌者為其當以入于房與。

右禮畢

蔡氏宸錫曰不賓尸之禮亦分三節主人獻尸尸酢主人主人獻祝獻佐

食此一節也主婦獻尸尸酢主婦主婦獻祝獻佐食二節也賓長獻尸爵止尸作止爵尸

酢賓賓獻祝獻佐食致爵于主人

致爵于主婦酢于主人三節也。

右有司徹

凡五十一節  
經文止無記

儀禮集說卷之十七終